

緣督廬日記抄

緣督廬日記抄卷六光緒庚寅至癸巳凡四年

長洲葉昌熾著

邑後學葉李斯編

庚寅正月

初六日丞午今日行設酒餞別

初十日得徐翰卿書招明日飲並貽唐石拓本三通一樊寬墓志顯慶五年二月十三日一賈文行墓志永淳元年八月十二日一周故蓋門校尉陳叔度墓志長安三年十二匝十〇皆憲齋丈在大梁所得

十一日赴翰卿之招見顧若波丈及畫師陸廉甫此懷同年若丈新自東瀛歸云匣中帶有東石拓本翰卿出示新裝金器拓本一巨冊又錢穉石畫山水有姚惜抱伊墨卿諸人題此懷出示豈江上畫幅又錢罄室一冊非其至者又見若丈所

藏唐人寫經三卷皆精余曩閱日本金石志經第一種以為  
即中國之經幢詢之若丈亦得一器其製似帽筒傍刻年月  
以及經卷非幢也

十九日圍嶠帖賈為余拓郡中井闌先拓得史家巷一井前人  
未著錄其文分六面刻兩面義井二大字一面宋嘉定甲午  
砌井薦其亡母姓名已泐一面元泰定元年甲子法界庵焚  
修僧智觀洎本路父老繆禧祥勸募里巷檀信資助淨財修  
傍有富一郎三字一面甚泐惟有重修義井奉為及宋九娘  
字可辨一面全蝕

二十日午後至漢貞閣購得三監本皇甫君碑一冊通體完好  
精采奕奕殊可寶也仁齋又贈日本宮根山鐘打本一通化  
度寺邑禪師碑一本化度不知何時翻刻以墨池堂本較之

殊避此刻

廿三日翼甫子來受業以說文段注及樊敏碑為摯

廿五日作七古一首題晉石厂藏南宋井闌拓本馮黃方伯師以蘇慈墓志拓本見貽云其石出土後蒲城令欲携之行民不許因剗跋二行於空處民俟其去盡剗之此本已剗矣

廿七日午後西蠹書來云星澗到此寓其廬因訪翼甫偕往西蠹出示崔青蚓為王敬我畫白描洛神董香光寫洛神賦一首於後馮魚山翁蘇齋亦各寫一首又見錢叔美黃小松諸君畫幅

廿九日約星海同游書肆及至此懷處則已行矣獨訪侯念椿得獨秀山石室記拓本一通以粵西金石略校之僅泐一字

二月

初一日早起訪星澗適星澗亦至敝廬復相左遂在此懷處飯  
俟其歸同游網師園主人李遠辰香巖丈之詰嗣出款客為  
余言名士之傾軋余告以紀文達所紀狐畏狐事相與撫掌  
大笑星海贈七星巖題名四種前日在全閩市中購得梅村  
全集一部又薛生白詩分為四集曰抱珠軒曰吾以吾鳴集  
曰斫桂山房曰一瓢齋又附舊雨集則與李克山袁簡齋諸  
君唱和之詩也又附無界軒詩鈔題薛子升鍾律又扣舷集  
吳江徐楠邦良著寄曠廬集震澤陳大謨漢廣著澹成居文  
鈔常熟吳卓信項儒著又鈔本幽怪錄兩冊前有正德癸酉  
江東王介一序當自明本傳錄

初二日致星澗書約明日游天平碑估為余又拓得井闌三種  
一至正辛巳在倉米巷毛家弄一大德十年十月湖州路長

興州□□鄉第四保施主章廿九等造在御林寺卷一在杉  
渡橋即前年捺殺所贈余者也

初三日平明下船星潒翼甫旋來先至天平謁范氏三太師墳  
遂由高義園登下白雲在兼山閣小憩石壁為俗子題名甚  
多山靈騰笑不僅虎阜之王成瑞也既度嶺至寒山游法螺  
寺門外小橋泉聲淙淙傾耳聽之屋牒盡滌復至臨砌訪支  
道人故跡歸舟天尚未暝也

初六日訪養庭携歸顧耕石先生墨跡一冊迺其典試四川時  
在闈中閱卷所記房考姓名及薦卷中式評語名次甚詳  
初八日從叔朋借揚大瓢雜文殘彙吾家十如老人抄本挑燈  
讀之於明季逸事頗有采獲舊為鄭盦師校刊廣陽雜錄疑  
為門弟子所裒集茲讀大瓢所作劉繼莊傳果云皆其門人

所錄繼莊又有左傳注若干卷三楚水利若干卷則不可得見矣

初九日西蟲之子聘萬隱之女余與沈旭初觀察執柯即同在西蟲處飯又拜壽卿原吉二君為九妹與九園子執柯

初十日得陳子宣書為余拓得梵天寺經幢家人卦磨崖二種十二日在漢貞閣又得無逸本皇甫君碑一本較三監本雖少百餘字精采尚不弱

十五日王夢齡招飲出新得書畫共賞皆贗品也昨子良見贈聽雨樓帖全部蘇黃米趙四家共七種

十九日謁憲齋前輩欲見此懷所藏黃小松訪碑圖

二十日繆筱珊自江陰來見贈所輯集古錄目及江陰石拓二種一為紹興復軍指揮一為建炎復軍指揮前人皆未著錄

筱珊云在常州天甯寺新得泰定柱礎在無錫崇安寺得經幢二縣署得宋元碑二學宮得宋元碑三夜作五律四首題翁挹泉虞山感舊圖挹泉已作古人矣

廿一日為小林表兄題傳家墨寶後一則其卷一為小林七世祖恣源公遺屬一為其六世祖甯州公掄帖恣源公有六子甯州公諱孝時最長幼子諱孝同即昌熾祖母張太孺人所自出張太孺人家遭難盡歿僅有一姪依小林以活小林一子場撫一同姓為孫亦不尚異日手澤將不可問謹錄其文於後俾清河世德不至泯沒焉

恣源公遺屬

吾原產止田四百七十餘畝住身房屋一所而已田以准債及陸續契兌與人外止存一百二十畝已於孝時孝揚孝武



孝疇完姻時各分去三十畝並無寸土存留而孝慶孝同並  
 未有沾也住房已將大半絕克與郭孝章止存後門三進樓  
 身八月間已有經帳在外擬有主顧即作八分分派六子各  
 得一分留一分為老妻賃典棲身之所能養母者以此貼之  
 尚有一分為我洒派小適吾生平不肯負人也家道零落以  
 至於此良由食指浩繁奏銷患病及婚嫁諸事皆在一時吾  
 又不善經營調度也所生六子孝時能孝於親友于兄弟文  
 藝古雅醇正孝揚文行無慚於乃兄二子今雖窮厄日後必  
 能自立孝武分田同兩兄一弟非有厚薄也孝疇學問雖淺  
 筆性似勝兩兄完姻後忽棄詩書而趨市井自有主見日後  
 諒不至於飢寒但市井粗鄙之態須極力蕩糶耳惟是孝慶  
 今年已二十有一尚未定親又無田產分授幸其資性溫良

二叔深垂憐愛我惟屬其盡孝盡誠于叔以母虛盛意必不  
至於無婚吾在九泉無以報効吾弟惟祈康甯壽考子孫蕃  
昌而已孝同資非穎異性亦肯讀講過書文故事春秋人名  
俱能了了且以紫微數查之星辰位次俱佳可望有成惟長  
兄善教之三兄善育之三房尚未有孫當以弟為子俟正室  
生子仍歸弟列然教養盡力惟二兄是賴吾始得瞑目耳三  
姐尚未許字不論讀書生理人家求其積德忠厚不尚虛詐  
賭博者不受其分文則荆釵布裙二兄可以勉力遭嫁而妹  
之終身得托也吾生平不輕以財帛干人惟借陳文字三十  
兩當文字終時約加利十餘金便足清理因此時吾已貧窘  
一時來不及故許以一本一利陸續送還上玉安九今約還  
過四十之數另有帳存尚少二十許脫房時先以八金歸之

尔若有另帳會劃即會劃明白又安九項乃父之會所收亦將清楚我亦無欠惟有陸亮侯欠本四金首會與有其責今亦於房價內先與二金非我復有陸續之說實恐須做房價不能洒派耳又借宋瑞所銀十兩雖曾還未與銀約五六金而本則未動前年同三伯伯以金字玉皇經取信必償而宋許沒利相讓然以法質見信實吾之過也當即贖歸裝好供在壇中以贖余罪又前以文契抵唐銀廿兩石氏交成曾以四十還之倍利之外尚欠利十二金立有欠票前年以螺甸屏風償之唐感頌吾信而未即取票當煩孫先生三伯伯取歸庶後日年遠毋致有疑惑耳吾死後棺不得過數金敏以時服以安貧士之常毋違速朽之義吾年來貧病慶弔必有缺典但報本族三堂傳單卦音幾成例套俱不必用且我無

德無能何敢重勞親友黨族中來時祇領一帖以使七終叩謝亦勿煩拜凡奠分棹酒香燭紙錠之類概却勿受入木棧香俱不用僧道但恐婦女惑於時說入木止用二僧接香止用二道其七中經文功德俱不可為使我無罪何煩用酒僧肉道薦度我果有罪又豈僧道所能薦拔紛紛之說徒見其不明理耳七內余觀同汝前母極權屠於祖塋之昭不必開墮須十年後不見有凶然後葬之以秦氏極力要讓我家風水渠所鑿溝累石皆殫慮之也交友中須擇吾所畏憚者友之若惟以媚悅取容徇情悅我者此乃善柔耳後必為彼大悞又有輕趾柔語側睨睇視好為婦女態者亦非端士在身不可有在友無可取皆當謹慎者也

康熙十七年冬月父于椒屬長男孝時 嫡叔于蘭見屬伯

父汝明書錄

謝帖掄任兒 此帖為甯州公筆

總理家務自是難事汝祖母以積勞致疾然總不能一日卸擔直至屬纊而已者為此故也其實原無一事只是大家同心協力安守清貧耳今而後持家者與同爨者俱須體貼先人念頭共濟艱難約定規條以便遵守

日用除飯米外每月付錢四千五百文每日計用錢一百五十文約以七十文買柴油以八十文供三餐菜蔬然柴價有貴賤燈油冬夏多少不同錢數既經酌定不增不減須於價賤時及用頭少時留意撙節以相補墊至每日菜蔬雖定八十文然十日之內須有一日買肉間有親朋往來須添菜一二及家伙雜用等項約須留餘每日只好以五十文六十文

為率勿得浮費以致掣肘

內外各會食一堂自足省費然須順人情勉強則難經久今定汝與四叔同食六孀與妹子同食餘則分合各隨其便晨粥各菜兩盆午飯各一葷一素十日之內約有一日買肉二斤半以供主半以與婢僕其餘日用葷不過魚蝦醃物之類擇其價之廉者雞鴨燻臘非賓祭勿濫用夜飯各二碟小菜其餘僕隸悉照祖母在日規則分給

人家須有恒產方可寬展今吾家田租所入只穀一年飯米足矣其餘俱要無中生有又不比祖母當年有各處問親相貼一不接濟真是束手無措除省儉之外更無別法一家自當共諒然最要者在甘苦均一食肉則大家食肉咬菜則大家咬菜始初雖不能無言久久自當消釋

以上所定錢數只穀三餐之用早晚點心及雜項用度要取  
適意徑須各人自備六叔有束脩以供雜用汝今年不坐館  
自端節起每節另付銀約二兩以為雜用須另免錢用去勿  
混入公用錢內燒房每逢月朔給錢二百文為雜用冬夏各  
給銀一兩脩補衣服

養生之外尤重報本一年內時祭有春夏秋冬歲暮五次俗  
節有清明端午中元十月朝四次今擬清明附於春祭端午  
附於夏祭我輪值春祭及冬至歲暮屆期俱另發錢一千三  
叔輪值夏祭及中元五叔輪值秋祭及十月朝祖先生忌諱  
辰四盃兩果一桌俱汝輪值不另發錢祖先諱辰雖遠是日  
俱宜素服致祭不飲酒不茹葷祭品另用

人事往來三年內雖概從略亦有不可缺處有我獨出者有

與三叔同出或低昂出者有與諸叔合出者俱登記明白有存銀則扣除挪用則補給

條銀另記一冊按限輸納

規則既定陸續發銀聽汝酌量用去須與四叔五叔商酌大綱須要經心細瑣聽之中饋須費省而調度得宜乃妙若有不給更須極力節縮昔年三叔四叔五叔合囊人口較今不減亦只每月用錢四千也手略放鬆便無底止若照數發銀至歲暮復稱欠錢價當衣飾及賒抵物件俱不准另給

有館可以讀書可以省費因憶汝祖母彌留之際說及就館有我病好方可逸出之語故今年且停止然在家須以鎮靜為主若遇事張皇煩瑣細碎非處家之道也又須事事從容詳緩百忍堂中有太和宜體斯語



廿二日作七律一首為鄧尉山人顧魯明題照

廿五日得李幹甫書見貽寶雲寺碑一通又得陳子宣書為余拓得六和塔寫經蘇子容題名

閏月

初二日檐溜如繩借銅井珠春勝之游林屋冒雨登舟至胥口泊昨為託兒聘定楊暎雲之女康吉允之執柯

初三日大風雨不得渡湖午後謁伍大夫廟殿前有方塚舊碣云即大夫葬處其鳴夷墓乎

初四日風稍定覓一漁舟渡湖萬頃茫然胸達彼岸其地名社下舊時袁絮齋丈為角頭巡檢時駐此曾偕府襄廷馮小尹來游今絮丈襄廷皆宿草矣為之憮然既停棹即襆被至神祐觀唐之神學宮皮陸於此唱和者也牆宇傾頽而像設甚

古甫卸裝卽至林屋洞口瞻眺洞中積水甚深不得入遂游  
包山顯慶寺寺門外唐幢二一大中間立契元書一年月已  
泐而座下有咸通重立題記前人著錄混言兩石皆大中間  
立而咸通一記無見之者不可解也距寺里許地名雙塔頭  
有小廟牆內外各有一幢亦唐時物

初五日晴買舟渡湖游石公山盡探雲梯劍樓諸勝題名於歸  
雲洞山後有石大如一間屋其平如掌踞坐其上俯對公姥  
風水踴蹙湖中羣峰如屏幃如几案歷歷在目攬衣長嘯脫  
然塵垢之表午後歸社下復至羅漢寺觀山茶 國初時有  
詩僧鶴舟於此車錫

初六日午前微雨偕銅井諸君張笠携瓊推至賜洞口拓宋人  
題名未畢數紙雨漸密石滑如油不能著腳遂匆匆歸飯後

冒雨訪暴方子巡檢名式昭河南滑縣人頗讀書自史記至  
隋書皆有抄撮如林錢漢雋之例亦風塵中之矯矯者贈余  
松影石一枝出奄山石質甚粗中有天然松影作深墨色濃  
陰謾謾畫家所不能到易實甫順鼎為賦松影石歌余託其  
拓山中唐宋石刻暢談至暮而返

初七日買舟渡湖午刻達胥口至木瀆飯黃昏返舍

十一日夜飯後登舟解維即泊連日微逐憊甚咳喘多疾形寒  
頭痛

十四日午前抵滬病不能興竭力掙扎登岸寓同慶公棧

廿九日自十六日至此困頓半月形寒身熱胃呆氣促晝夜咳  
喘吐痰作深綠色周禮所謂嗽上氣疾也渭漁乙青問日必  
未視醫藥玉山亦時來問訊甚可感也

三月

初一日在醉六堂購江甯金石志一部長洲縣志一部價至英餅十元可謂昂矣渭漁贈舊刻柳仲塗集一部

初三日登新裕輪船

初四日辰刻展輪

初六日四鼓抵大沽口外

初七日水淺不能進口

初九日進口尚無期適有駁船公司小火輪一艘將進口遂命老程守行李余隻身襆被偕買辦吳君蕙清同附其舟至大沽炮臺登岸後步行四五里至塘沽坐火車至紫竹林寓佛照樓病軀未復遭此大艱憊不能支

十一日程僕運行李登岸無一遺失不幸中之幸也午後即出

揭李師相

十二日合肥相國來答拜閱時報知希卿得同考

十三日僱船由潞河入都清晨解維夜過揚村泊

十四日南風甚利日未落至香河泊

十五日薄暮至通州宿恒通棧

十六日辰刻自通開車未刻進城還至鳳石前筆寫卸車

十七日訪再同父子出示新得元刻明印本張鍾金陵新志又

淮縣陳氏藏石拓本百餘種

十八日至郝壽師瑣宮叩奠回念知己之感悲不自勝見大世

兄字冕臣年廿一歲器宇不凡談吐亦清明吾師為有復矣

廿三日鳳石贈日損齋集一冊愛於同年所著又清祕述聞連

續刻一部

廿四日在廠肆得吳江李重華玉洲貞一齋詩集又携歸張瘦  
銅竹葉庵文集後兩冊其前二本書估云為人所留新不與  
然既得後二冊則其權即自我操之矣

三十日謁平陽師見示新得讀書敏求記苑園手批本卷端有  
廿止醒人印中央赫蹠小箋乃張月霄致書與疏賦孫者借  
潔古老人醫書賦孫不知何許人也

四月

初四日拜誅春前輩携到暴方子所拓林屋石刻但有顯慶二  
幢題名三種尚未全也又訪本甫齋歸 先大父母及 先  
屢慈所得 誥命二軸

初七日聞廠購得汲古閣刻三元人集一部三家者倪瓚雲林  
馬臻虛中顧阿瑛仲瑛也楮墨精好尚是初印本又顧俠君

秀楚草堂集一部昨為鳳石題其先德潤州論詩圖七古一首又跋顧南雅李子仙墨跡合璧卷

初九日再同來談送劉霞仙中丞全集一部

初十日明日會榜揭曉日晡始知汪蘭楫王召棠及上海王佑常同年獲雋

十一日見全錄郡城自蘭楫外僅有吳因之一人芸閣蒲孫皆獲雋

十三日從建霞處得家書附來新吾函並經幢一包云沈君伯雲所藏共五十餘種欲舉以相貽喜甚及啟視則僅湖州天甯寺幢八種余亦有藏本餘皆風峪石經非石幢也為之爽然若失

十六日赴廡東得一閣購墨汁肆主謝君吉暉名嵩景湖南人

著有今文房四譜論紙墨之性甚詳所製墨汁價自二千累至十兩有名雲頭鮑者黑中帶紫風日燥烈中用之彌潤可謂能事矣

十八日散館在 保和殿考試完卷尚早

十九日午後報錄人至知余列一等第十二名江蘇一等五人此懷居首劉振青次之余又次之楊農勝之又次之建霞我山叔蘇詠春皆列二等

廿一日夜此懷建霞來談知建霞為高陽所抑此懷適遇河陽余與詠春前輩同為仲灼閣學所閱詠春竟遭誅手余首鼠兩端尚不至為所勒帛幸矣

廿二日薄暮得此懷書得芝忽病歿歎歎欲絕急僱允之聯車赴之



廿四日小傳臚黎明偕允之赴西苑門聽宣新殿撰吳魯福建人芸閣得第二陸芝得第三略坐即赴本館鳳石蔚若帝卿詠春諸前輩皆已先集共議歸第事

廿八日黎明赴西苑門聽候引見蒙恩授編修此懷

搗裏振青建霞勝之詠春前輩皆留館劉我山改部屬孫叔和改知縣

廿九日鄭盦帥仍命為介弟課讀今晨到館

五月

初三日鄭盦帥招飲夜復赴鶴巢文之招鄭盦文出示平百濟碑劉仁頌碑在巢隱處見新刊續駢體正字張公衆所輯浙之巨公皆在焉讀平百濟碑筆意極似鄭文公碑字體大小亦彷彿

初九日嚴賈來購戴叔能九靈山房集一部乾隆間裔孫戴瀛  
之校刻又吳江周恭肅公集一部

初十日夜閱蟬鈔程蒲孫得館選

十一日拜客見梁杏叔惲薇孫兩同年及小浦孝廉杏叔有金  
石癖蔗拓本四千通粵人稱之為梁不遜仲約聞學謂不通  
正未易得也小浦以所著瘦碧間詞原辭律宋本廣韻訂見  
貽並屬為詞原作序

十三日得心雲書見貽順德雜詩石刻墨本

十六日劉佛卿來見示抄本周易本義引中書經表注禮記惠  
疇皆長洲翁樹棠焱伯著吾鄉先哲而竟不克知其名可愧  
也然其書實無心得第阮宋人之說而鋪衍之有蔣曰綸一  
跋附錄於後以誌其生平涯略

長洲翁子樹宗子辛卯順天分校所取士經學深邃著述甚夥蓋自為諸生即名噪大江以南逮賦鹿鳴而其年已將老矣晚官國子助教屢躓春闈旋以病致京邸是編僅文豹一斑每愛其刪煩就簡約而能賅曩為錄成副本今取而裝池之地日力能刊刻必使通經學古之儒得以表彰於後世嗚呼翁子往矣回憶尊酒論文燭跋漏下依依如昨日事每披是編輒振觸太息而弗能已也乾隆己酉嘉平月霽園蔣曰

綸跋

十七日會經堂書估來得毛刻宋子虛翠寒集噴鑿集迺賢金臺集雲林集外詩於是汲古本元人十集有其六矣

廿一日為鄭盦師作說文部目訂讀序富順宋芸子檢討所撰其書專釋部首字訂讀二字命意未詳且段金沙說文注其

初長編名說文解字諸盧召弓為作序此名訂讀疑於訂段君之書部目二字亦不如改題部首之為得也

廿三日連日讀冬青館集張秋水先生所著劉疏雨及洞度葛氏澂波皓月樓皆有藏書記兩家事實可以抵補又續得計二田楓涇程氏二家為從前所未及

廿四日寶朗師饋唐元宗泰山銘拓本

廿六日王子獻來談云越中府志乾隆時修會稽縣志則康熙後未重修也藏書家有杜尺莊先生名煦其弟禾子名春生皆博雅好古建初六年大吉買山地記即其摺得即名藏弄之樓曰大吉樓嘗摹越中金石記刻之今傳本甚稀矣

廿七日見鄭盦師新得埃及殘石拓本美國斐爾士所藏張祖翼迭先游泰西主其家見之乃古時石櫛僅存殘石二片文

字奇古尚在希臘以前四千餘年物也張君欲打本笑爾士  
恐損石初拒不允張君告以中國碑版所以流傳甚遠者皆  
檀蠟之功始拓得十餘通此本黃仲弢從張君乞得以轉贈  
鄭盦師者也

廿九日得說兒書寄到書局新刻倉頡篇字林攷逸

六月

初六日作五古一首為王子獻題髮刻圖

初七日得劉佛卿柬知近畿皆被水災有戶部司員談君鴻鑿  
住南苑十日無消息疑為波臣銜去屬轉告鄭盦師飭查災  
委員訪其存歿城內外牆傾屋倒觸處皆是聞傷斃人口亦  
不少也

初八日得平陽師書屈題法源寺僧靜涵虛心圖為作七律二

首

初九日為說兒批日記辨新序之失頗有心得

十四日宜古齋碑估來得敬善寺造象銘一通曹恪碑一通經幢二通一無年月一僅有元祐二字可辨

十五日碑估孟君持芾卿函來得拓本四十通內經幢居其半皆完唐二縣及蔚州渾源州物

十八日宜古碑賈來送閱石刻三種一武定八年杜文雍造象碑陰刻高王觀世音經一龍朔三年四月常才刻金剛經一唐開元十五年正月廿八日定州北平縣長豐鄉章丘里侯村合道俗等建立陀羅尼經幢共分三截上截經序中截題名下截經文書法至精題名字大小縱橫不一唐幢中上品也雖高價不能割愛矣

十九日得卹亭師書屬撰俄嶺何毓福古本易鏡序

廿一日至疏廠從文林閣携歸拓本一大宗將為披榛之采宜古齋帖費亦來前送閱之龍朔開元二經幢又益以大中一幢諧價至二十千文方售可謂居奇矣大中幢內侍省掖庭局令員外置同正員上柱國劉景孚造諸家所未著錄東巢隱丈借虎阜石刻僅存錄

廿二日取文林閣拓本理董內貴州智清靈骨記幢一通最愜於懷溫泉題名亦佳惜不全其餘多孔林宋元人題名初以為數見不斲之物興索然矣既閱孫趙二家目則未著錄者多至三十餘種孔林經阮文達搜采而猶不免遺珠且如是之夥真所不解也

廿三日作何松亭觀察古本易鏡序其書標一中字為宗旨盡

掃前賢之說可憐無益費精神為觀咎惜更自歎也

廿八日宜古齋碑估來購經幢一通幸遇造鮑師經書山左孟某亦來以拓本一宗見示知為筱珊物內多零陵三巖題名惜僅有二十餘通不過十之二耳姑從割愛僅取周元公題名一通金拱辰柳子厚祠堂記元次山陽華巖銘寒亭記張魏公學門碑各一通賈十五千文尚有趙州石橋題名亦未得也

三十日作守吾素齋詩序

七月

初九日鄭奩師以金臺書院課卷屬閱文題宋狸將之楚

十三日閱卷竣首列侯昌館深通墨氏之學汪容甫後僅見斯

人



十五日為再同寫定好太王碑跋一通

十七日鄭盦師贈陸存齋所著儀顧堂題跋四冊即命代作一序又贈阮文達廣陵詩事二冊

十八日作駢文一首代鄭盦師

廿三日夜讀南宋雜事詩

廿五日佩鶴前輩子揆初來受業

廿八日鄭盦師以家藏石刻拓本數十通見貽內隋刻三種尤精經幢二通亦向所未收者

八月

初一日爽秋贈所著浙西邨人詩自八卷至十六卷七卷以上尚在縣寫俟刊詩筆精清曠朗不着塵氛在宋人集中於涪陵為近

初二日梁杭叔同年來云李雲從將赴晉省拓碑聞鄭庵師有新輯山右金石志屬借錄一目得家書知外舅忽於前月初二日辰刻在蕭縣學舍病歿驚悼欲絕

初三日從鄭盦師借山右金石志燈下疾閱一過舊者皆采自水經注及歐趙諸錄新者則據府縣志又分碑碣幢柱造象各類義例甚陋惟著錄經幢頗多於鄙人卻有益

初五日鄭盦師屬代撰孔繡山詩文集序繡山名憲奕道咸間人猶及見阮文達及魏默深龔定盦諸老集中投贈之作甚多

初八日作外舅翁之先生祭文

十一日徐研芙來暢談英年好學所進未可量也

十七日得勺山丈函貽暢卿丈文集二冊以藏書紀事詩呈鄭

言六  
文  
查師謂宜分類以示區別注繁宜刪節並欲付刻則不敢承命矣

二十日夜讀抱朴子外篇盡嘉遜逸民二篇或色斯而不終日即同論語色斯舉矣文王氏經傳釋詞引漢碑多色斯連續而不及此

廿一日夜讀抱朴子逸民篇鄭康成州辟舉賢良方正茂才公府十四辟皆不就公車徵左中郎博士趙相侍中大司農皆不起紫後漢書鄭玄傳何進辟之以幅巾見一宿逃去董卓遣都公卿舉玄為趙相表紹舉玄為茂才表為左中郎將皆不就公車徵為大司農以病自乞還家其戒子書曰禁錮十有四年而蒙赦令舉賢良方正有道辟大將軍三司府公車再召又申屠蟠傳中平五年與荀爽鄭玄及潁川韓融陳紀

等十四人並博士徵不至推川所言可攻者如此惟十四辟  
不詳

廿二日得陳子宣函為余拓得雲林即靈梵天香積經幢夜讀  
抱朴子勸教篇

廿四日爽秋來談背誦杜詩如瓶瀉水記問真不可及夜讀抱  
朴至用刑篇推川天資刻數人也薄湯武而信肉刑

廿六日至義勝居赴萬隱之約見仲弢携示翁蘇齋禮記附記  
手彙四冊僅存自七至十卷余笑謂諸君是當刻石不可毀  
木也

廿八日夜讀抱朴子審舉篇有云或輸自售之寶或賣要人之  
書又云中正吏部並為魁僧各責其估與所見所聞何相似  
也乃尺顛倒古今同慨

九月

初一日掌院接見之期已刻赴署徐中堂午刻至談義理二字  
刺刺不休又謂時文五百年不廢必有大道理我輩參不透  
耳

初五日宜古碑賈來得金丹陽真人上唐括夫人滿庭芳詞拓  
本一通在山東濰縣

初八日至廠肆瀏覽見松陵集汲古刻本貝清江集履研齋汪  
氏刻金石錄推雨堂刻于欽齋乘近時刻本與以九金尚不  
售吾輩真無從得書矣

初九日昨見書四種與以舊存金石錄一部朱提八兩方允脫  
手金石錄同一虛刻但印本先後懸殊耳宜古碑估來見北  
齊平等寺碑唐定州刺史段公祈岳降口之頌建緡陽寺功

德頌拓本各一通

初十日夜讀抱朴子弭訟酒誡二篇

十一日翁幼申來受業叔平師之姪孫名綱孫

十二日為鄭奩師作李稼門太守雙桐書屋詩贖序太守丙辰會試出鄭奩師本房曾參多忠勇公軍事以知府需次汴梁

卒

十四日詣再同齋見新得中統史記殘本隋太僕卿元公夫婦墓志初拓本宜古碑估來得玄寶觀活死柏記碑陰刻南塘老人張天度詩及繪長春真人撫柏樹象又元虛閣禪師道行誌古燕幽隱浩然居士孟祥撰住持大都海雲禪寺傳法嗣祖默齋至寶書至元丙戌三月十七日捉點比丘本敬立又經幢三通一梵字年月泐一刻心經而題佛頂尊勝陀羅

尼珠不可解一題京兆杜氏佛頂尊勝陀羅尼經幢記大宋  
紹聖三年七月戊子朔初九日丙時建字頗方勁在曲陽書  
院

十五日高隱來談云李雲從新有石幢二座輦至京出售每石  
索價八金

十八日打碑人王某持筱珊前輩東來選得唐揚固村造象記  
金輪聖歷元年韓口忠撰并書何公德政碑大曆九年齊論  
述并書光業寺佛堂碑開元十三年楊晉撰行書又一殘碑  
王縉書中有李賢臣字又董日進造石浮圖記天寶十一載  
八月又元龍興寺長明燈錢記龍興寺祝聖主本命長生碑  
皆延祐間刻共七通索價甚昂姑留案頭未必能得也夜讀  
抱朴子鈞世省煩尚博三篇崇華藻而非六經未可以訓

二十日至琉璃廠得午夢堂集一部

廿一日為鳳石前輩代撰蔣推鄉傳推香文長君希君茂才西  
園師所撰小傳亦余代筆感愴今昔為之增數午後翁幼申  
來論學皆有塗徑並云舊治毛詩申王黜鄭通與鄙人為難  
未入室而先操戈異矣又云曾君表之子甚好學年十八歲  
撰有補後漢書藝文志現欲撰唐書節度使表碑估王某來  
前留唐刻五通價京泉二十一千尚不浮也夜讀抱朴漢過  
篇

廿一日偕詠春勝之同登陶然亭觀壽昌天會二經幢壽昌幢  
在萊園中白石甚堅緻

廿六日緝庭自津門來談云憲齋文以銅印五百方與徐子靜  
觀察易五千金王估來得拓本五通一會福寺造象顯慶四



年一趙圓智等造寶塔記碑陰刻蜜多心經一卷天寶十一  
載歲次壬辰七月乙酉十五日己未一韓愔墓志叔祖淮南  
節度使司徒兼侍中魏國公琦撰熙寧四年二月一慈潤寺  
故大靈琛禪師灰身塔銘貞觀三年四月十五日造一張君  
浮圖聖曆元年七月十五日值五千文

十月

初一日夜讀抱朴子吳失守壻二篇

初二日夜筱珊前輩招飲出示南宋刊新唐書有季振宜汪士  
鍾藏書印又涂禎刊監鏡論即張刻之祖本又游明本史記  
殘本廣東崇德書院本漢書傳是樓鈔孝經褚墨清朗與毛  
鈔無異

初八日為鄭盦師作古文孝經蒼解序黃岡洪給諫良品所撰

也其書據曰東亭保刻本較所釋古文尚書尤駭聽聞

初十日進城問再同疾

十四日打碑孟估來新從磁州拓得隋唐造象四十餘通順德  
宋全元碑二十餘通

十六日碑估王某來得長興州修建東叢行宮記一通趙孟頫  
書惜無碑陰

十七日東此懷借劉貴珍墓志

十八日碑估老孟來所拓各碑必欲百千姑允之以勸後來夜  
閱小說名妄妄錄吳人朱海蕉溪所著中有汪近傳潮一事  
即江良庠先生汪容圃仲一事即汪容甫先生嫁名痛抵不  
堪其穢是於漢學家必有櫻心切骨之恨然造事荒唐特甚  
三尺童子所不信今兩先生名在儒林而世無復知有朱蕉

漢者鬼而有知亦當痛哭悔生前之不學而徒反脣為無益也

二十日俞佑來同年以傅琳元所著日本金石志四冊見貽  
廿一日宜古碑賈來持示磁州維摩詰經拓本甚精索值八金  
廿二日聞筱珊尊人仲英先生之喪即往唁夜讀抱朴子畢  
廿三日文林碑估來留彭王傅徐浩碑一通

廿六日夜校鹽鐵論元刻脫論儒一篇又未通篇約脫一葉然  
亦有佚文可補近刻其書遇高字皆作交同字皆缺一筆作  
司疑刻書人有所諱也

廿七日作埃及古殘石歌一首題黃仲弢前輩所藏拓本夜校  
鹽鐵論

廿八日鳳石前輩為鄭金師視疾夜校鹽鐵論元本為建霞所

藏出於麻沙書肆亥豕迷目而時有一二絕佳處古本所以可寶也

廿九日得翼甫書將赴日本云在滬見玉海元刻元印本鄭盒師病不辭痰喘汗下如雨鳳石來診脈

三十日鄭盒師疾愈劇傍晚常熟師來問疾同入視已不能言僅手書疾聲如鋸不治也七字亦摸黏不可辨延至酉刻竟逝愴念平生知己不勝木壞山頽之感夜諸同鄉來與弟卿議遺摺竟夜未睡

十一月

初一日鄭盒師大斃自此至十五日陪賓裏事半月失祀鄭盒師欲為昌熾刻藏書紀事詩病中猶詢仲午曾繕清本否彌留時連促二次其意極可感余輒聯云親炙我尤深染木驚

摧枕膝遺聞悲孟喜嗜痴公有癖篋書猶在賞音並世泣桓  
譚雖不工卻紀實也

十九日建霞贈唐人寫經手卷及日本刻多賀城碑閣臂各一  
頗精

二十日訪建霞觀唐人寫經長卷

廿一日聞醇邨菴夜見邨鈔奉 皇太后懿旨稱皇帝本生考  
廿五日木齋來談云庚辰在含英閣得銅造像四十餘尊皆平  
安館物詢之于英則多出李賢台手

廿九日文勤師賜祭高湯師充天使

十二月

初三日叔平師為文勤師題主余偕鳳石認臣弟卿三前輩裏

題

初四日文勤師領帖竟日陪賓夜作七律二首為建霞題摹梓  
圖圖係方姓江為江子屏先生作安邑宋葆瀆跋云甘泉江  
君節甫樂志典墳潛心撰著著有周易述補四冊易大義三  
卷樂縣攷二卷 國朝漢學師承記八卷舟車聞見錄十卷  
皆繕寫成書矣嘉慶二十一年冬十一月相遇于白公隄上  
節甫謂余曰某今秋忽得士安痺疾幾成鑿齒半人視富貴  
如浮雲矣惟平生精力半瘁於此恐魂魄一去將同秋艸欲  
謀剽剽摹之同學適淳安方君晴江在坐云在歛時見仇十  
州畫朱性夫摹贗圖祝京兆唐解元皆出資書疏中仿其意  
為作摹梓圖持游江湖當有應之者圖成予為之記

初五日文勤師領帖薄暮端午橋工部至書室暢談午橋好藏  
石刻新得郭休碑及北朝造象甚多昨爽秋亦來談鄭盦師

杜詩末卷中一葉有積慶堂刊木記板心有至正戊子印五  
字又董文敏題陳眉公東芥山居七律三十首墨迹又東芥  
山圖四幅每幅繫以小詩又王惕夫曹墨琴合璧冊惕夫自  
寫論帖詩每一詩即仿所論石刻體精絕蕩為吾家十如老  
人所藏載入鷗波漁話又顧恂堂畫冊十幅有郭頻伽題小  
詩碑估表某來購十通一始建縣捐路碑隋大業四年一卧  
龍寺鐘題識宋咸平六年一開元寺鐵盆銘宋紹興十四年  
一太平興國禪院鐘銘宋慶元五年一趙懿簡碑蔡京書一  
曹娥祠碑蔡卞書一陳氏之塲墓志政和七年一游仙觀玉  
皇殿碑隆興改元一嘉忠廟牒宋紹興間一祈澤寺捨田記  
至元丁丑夜閱鄭奩師日記述陳頌南先生之言文選傍證  
閩中一林姓作

十六日揚鳳阿來其所藏宋刻離騷集注及呂太尉注莊子皆  
在文勤師處欲請歸璧

廿四日赴廩得鄒道鄉集一部價二金

廿九日得允之柬為領得先嚴慈及叔父母貤封誥軸

辛卯正月

元旦至龍泉寺謁文勤師靈夜讀道鄉集

初二日閱文勤日記云漢周惲碑陳蘭甫澧有拓本李研卿說  
吳丁奉碑在湖州某橋下趙益甫說

初八日筱珊假所纂金石目分地編搜羅甚富

初九日蒿隱書來示所作藏書紀事詩序約二千言午後同游  
廩肆得鄉先輩韓旭亭趙艮甫兩集及香嬰居士集

十五日建霞勝之來同游廩得陳文莊無夢園集一部共二函



廿冊分十四集以杜詩豈有文章驚海內漫勞車馬駐江干  
分編文體纖仄不出公安竟陵二家以鄉先誥遺書損四金  
購之可謂好事矣

十六日得梁杏雪書云為鄭奎師編畿輔金石錄可寫定

十八日東弟卿假以王百穀集從廐肆取歸鄭寒村集一部

二十日東萬隱查文勤師封奏夜閱北窗矣螺

廿一日木齋招飲出示宋元明本書籍約百種其至精者為後  
漢書黃善夫之敬室本文選善注尤延之本論語集解劉氏  
天香書屋本周禮注疏八行殘本凡疏釋經者繫經文下釋  
注者繫注下為他槩本所無又周禮鄭注行款與余仁仲本  
同後亦注經注字數又尚書孔傳大字本字大於錢四周寬  
二寸餘為舊槩所僅見有墨筆錄金仁山表注尚是明以前

人筆又一太上感應篇宋人所注宋槧宋印裒然八巨冊其名有靈寶三教字不能全舉矣又崔豹古今注有黃冕圖跋讀書敏求記勞季言校本蠅頭細字上下幾滿其餘精本不及覲縷泰半皆卧雪樓袁氏物為之心醉

廿二日翁幼申來示曾孟堞所作續漢書藝文志補自叙典雅似儀鄭堂孟瑛為君表孝廉之子年僅弱冠後起雋才也得從珊書益所編金石分地目兩湖一本昨所見木齋書有錢同人侗手寫說文解字一部精雅絕倫孫氏五松園舊藏本又明刻太元經范望注較萬玉堂本字略小而後亦有郝柒校刻字疑覆本也又柳先生集岑嘉州集嘉祐集石林燕語並精補記之

廿三日得從珊書為購得石塚堂先生獨學廬集一部

廿五日開再同將行往送別容色尪瘠非佳朕也

廿六日東芾卿商文勤年譜體例

廿九日得李寶臣紀功碑一通

二月

初五日蒿隱夢華合招省館見仲約漱蘭廉生禮卿諸前輩及佛青戶部仲約丈新得明顧大韶集及吳江潘桂一集皆吾鄉文獻之僅存者又燈下閒談五代時人所撰不題名惟館閣書目著錄

初七日詣葛廟碑陰又得一全本

十一日作七絕五首贈心存

十三日編文勤師年譜祖竟為仲午捉刀以避吹毛之責

十四日得唐幢一通元和拾壹年五月僧惠通建後有咸通九

年施主高忠和題名每面下皆刻人姓名多剝蝕  
十五日得拓本十一通

蘭陵公主碑

全集柳字琅琊碑

大安寺香爐款

李業闕

梁鄱陽王題名

青城山常道觀勅

東坡洋州圍池詩

魏吳高黎墓志

白道生碑

平陽公姚天福神道碑

南海廣利王廟碑

二十日仲弢招全浙館觀趙子昂山水管夫人墨竹柯丹丘竹  
石徐青藤牡丹及王叔明吳仲圭山水朱竹垞應潛齋陸清  
獻抗大宗屬樊榭張叔未諸先生墨蹟得家書懸橋帖賈為  
拓得井闌二通一在永天寺僅有數字可辨一在封門外亦

剝泐過半矣皆不能得其年月也又梅李經幢一通較舊藏拓更精末二行題名清審可辨維唐乳符五年歲次戊戌七月乙未十四日戌申口口此幢同句當弟子許亮捨口千文李口三千文代弟二千文主僧敬能直歲僧行球

廿一日榮陽師母饋文勤師遺念各物

加南番朝珠陳老觀鼻  
烟石章磁印盒烟壺蟬

袍活計梳鬻網  
江袖袍袷袴 東萬德贈以置此志

三十日作唐下邳郡林夫人墓志跋仲午歲本也較王蘭泉司寇着錄本約多數十字孫氏訪碑錄大中九年既列此刻二年又有林夫人墓志撰人皆同顯為一石兩收也仲午贈高句驪故城石刻拓本一通有吳慶錫印慶錫字元拒朝鮮人咸豐間曾至中朝與孔繡山許海秋諸先輩訂交文勤師亦識其人也聞再同逝於鄂愴然隕涕不幸而言之中也

三月

初七日作勝之太君七十壽序

初九日小楊持書目來有林屋集以為蔡羽詩也喜極欲狂即命取來迺國初壽州鄧旭所著有弟子錢陸燾叙所以名林屋者先世明初自洞庭徙鳳陽又自鳳陽徙壽州也道光間裔孫鄧廷楨刻板雖精匪我思存矣嗒然還之

初十日王估送閱經幢一通太康四年拓甚劣

十一日小楊持元西湖書院本文類明李元陽刻通典見亦

十四日法源寺公祭再同見爽秋仲莢蓮生子培子封子修又至嵩隱處祝其祖母壽同鄉皆集游殿肆得生香館詩詞一冊閨秀李佩金紉蘭著又宙亭詩集二十四卷不題名但以甲子編年燈下疾瘡之具人在桑海間出世敬亭山民築菴

和上徐侯齋余澹心諸先輩皆及見之曾主吾郡靈巖席與錢園沙毛斧李陸牧先皆善是亦山陰畫上人之流也

十五日小揚來購定顧太史集一部崑山顧天峻著思諭堂集一部朝鮮李滿船著

十六日閱吳墨繡榮性堂集與周香巖朱愚溪皆有贈答之什十七日得孫子瀟夫婦合集爽秋招全浙館同席黎莼齋觀祭庶昌云在日本見慶元本三史又云足利學尚在有孔子塑象而古槩已寥寥矣

十八日東高隱借郡志宙亭集藝文類不著錄釋道亦無傳惟所稱先師擔雪翁以明白之道教天下後世則為靈巖繼起師也繼起名宏儲有明白庵集此詩第一集亦題明白庵草集中又嘗自稱其名曰蔭郡志有蔭在香茹集六卷然此詩

凡分二十餘集獨無香茹則又未敢定為一人也詩筆清雋  
做口超然塵外不獨縉流所僅見者 國初遺老中亦當屈  
一指沈埋幾二百年始有人從故紙堆中拂拭而出之其亦  
彼教所謂因緣乎

十九日得功甫先生全集一部船庵閉門二集叢文勤師曾以  
見貽而轉贈張純卿此集更多東津館文集功甫小集二種  
所缺者惟放菴桐江山山風月三集而已

廿二日仲約前輩薦同雅書估來留王侍御類稿一種上海王  
圻著即撰續文獻通考三吳水利考者四庫著錄洪洲類彙  
僅有四卷迺圻督楚學時所刻此集乃其子思義復搜遺文  
并前類彙刻之共十六卷雖明人集亦可貴矣

廿三日得黃蘊生集一部



廿六日讀文勤師奏疏庚申諫巡幸三疏驚心動魄不減李伯紀上高宗書也

廿八日作七律二首題顧云美先生三吳舊語手彙後

四月

初一日翰墨林持示隋德陽公碑一通昭陵碑攷著錄孫趙所未見也

初三日曾經送書來一莊刻淮南初印予三金未諧

初六日訪小劉師見程君房墨一錠約重七兩索四十餘金子英物也

十一日夜閱施彥執北窗執輟劉崇遠金華子雜編

十二日小楊來示東雅堂輯集索二十金

十五日保和殿考差窮日之力尚是百孔千瘡可歎也

廿三日文林碑估留示拓本二通一未襄陽章吉老墓表一趙  
文敏書乾明廣福寺觀音殿記

廿四日小楊送閣元詩選索三十金玉臺新詠細字密行本索  
二十金貴比珠玕矣又餐微子集明長水兵和聲爾律著中  
金閣謠一篇可補志乘之闕余家舊業繒先疇掌故不可忘  
也因錄之

金閣謠

時金閣以權使發難勢且叵測有義夫萬成抵解赴獄乃  
已

夜度金閣門側聽金閣謠酒酣一徵歌霜霰零嚴聽姑蘇彈  
丸地夙昔財賦餽輸全歲萬緡輸粟歲千艘絲麻與布帛雜  
泛多公繇刈穫徒區區官稅丰通逃末業矜身手織作芳昏

朝紗紅縷錦綺尺寸爭錐刀牙儉仰機利負販窮肩舫要以  
緯絡資并日繞分毫所幸商賈通質化無譙備父母與妻子  
糊口慰嗷嗷時移世事改貲算來羣尅縣官自寬大茲輩東  
濕操寸絲無遺抽匹帛重遮邀朱叢紛萬個棚街呼駢駢路  
壑一以滿烏紗盛宮袍暮捧中人劄晨持大杖哮我浙惡豪  
少闌入相招接遂使行旅跣生計日以凋一夫乘衆駭烈火  
亘三條巨室餘煨燼狙猾怖原燎肝腦或塗地夜半走中貂  
志在除吾瘍誓不犯秋毫雷轟噓萬口比戶愁呼號府縣竭  
威趲輟語慰我曹中有義傑人提出散羣豪首難實賤子長  
跪請入牢萬命得救取不辭領與要太守解喻去義肯私竄  
逃隻身甘鎖斧千家安履幃咄嗟我吳會子弟風輕刺蠶動  
一何愚聖德寬唐堯自傷垂白老飽煖日游遊一朝變倉卒

閉門戒風巢翻手覆手間安危頃刻交痛定行復思中夜心  
切切歌罷三歎息令我怒如標匹夫窺權輕衆怒慘焚焦參  
天自根株蔓草芽於苗維國有神器玉食丰土毛挺走獸難  
擾脫淵魚巨料委轡豈良策筆使終睽器養民間牧馬鑿控  
在所調

廿五日夜閱法書要錄斗室枯坐無以遣日如秦伯之疾已在  
膏之上育之下又如梁武困臺城呼荷荷又如陳后賦長門  
殷生東高閣時也

廿八日函致仲約前輩借願仲谷炳燭齊隨筆曲阜顏氏舊藏  
鈔本其書皆攷論經史深於漆園之學又宗墨子而抑孟子  
雖不純在明人說部中要為切實且是鄉先哲遺書世間別  
無他本擬錄藏之

五月

初二日自寫炳燭齋隨筆窮日之力約得二萬字

初三日寫炳燭齋隨筆竣共四萬字兼愛尚儉而明鬼真墨家之言也頗詆宋儒其偏駁處尚不至如李卓吾而博識可比  
升庵

初五日慶雲龔估來得篆書經幢一通余藏幢多矣篆體者無有也又碑四通一美原神泉碑亦篆文一田義起石浮圖頌太極元年一李文安石浮圖銘開元十年梁高望書一石浮圖銘開元十五年王大悅撰

初九日至廡肆得陸讓碑鄆縣紀元大造象各一通

初十日龔估來得濟寧常董生造象一通天寶十載房山金剛經

二通金仙公主譯經奏雲居上寺詩各一通濰縣經幢二通

風估來得行唐邑龕善門品經及六朝造象一通宋元碑十通

十五日勳華閣來得任令則碑一通蜀王師蓋文達碑一通陰側全

廿一日致節卿東贈以梵天雲林二幢拓本

廿六日爽秋來暢談贈以梵天靈隱二幢

廿七日文林胡來得益都玉函山隋造象九種精品也隸古拓本披沙揀之竟無寸寶為技足者先得矣另一李孝同碑崔昇妻鄭氏墓志畫錦堂記趙子昂裕公碑尚可取

廿八日至平陽處見新得宋刻周禮雕印精好沈埋千有餘年忽出而銜售珠光劍氣不可掩也

廿九日訪木齋其廡為明嘉定伯周奎舊第有林亭之勝喬木

百年樓臺四面淪若靜對塵襟盡滌木齋復出示所藏宋刻  
朱子文集元刻馬石田集徐興公校文心雕龍又一鐘拓本  
云熊經仲同年新自西江所得者高安出土賞析正樂天忽  
大雷電以風雨電瑤瑤然擊窗紙盡碎屋瓦振動大木盡仆  
為心魄悚悸者移時天霽歸已薄暮矣

六月

初三日昨小楊來得惜分陰齋詩四冊同邑李孫文翰著李君  
乾隆丙辰進士由中書官至給事中屢典湘蜀中州試又嘗  
視學蜀中不可謂不遠乾嘉距今不遠而竟不能舉其姓氏  
郡志亦未著錄兩月來雲霓之望不覺為之冰釋且自歎悠  
悠忽忽將與若人同靡腐草也悲夫

初四日得建霞書附來溪州銅柱銘拓本木齋同年所貽也

初六日龔估來得拓本十一通濟源龍潭寺經幢及趙吳興漁莊記最精

初七日龔估來得唐石三通靈巖系陽村經幢開元楊珣碑天寶修浚溪記寶曆有宋皇祐題

初十日袁大令晉培來持到陳子宣書並浙江經幢三通一唐咸通二年蕭山覺苑寺一晉天福八年錢塘虎跑寺一臨平安隱寺幢年月題記皆在第二級俗工不知未及打也

十一日偕高隱游廡在肄雅堂見劉燕庭金石苑二冊觀訂僅四十葉皆長汀蒼玉洞題名索值二金可謂琅玕等貴矣  
十二日晨起知此懷典浙江試

十四日在廡肆得廣濟良方三冊鈔本闕末一本元和金敬坦梯愚集有自序及顧口嶽汪佑煌二序金君乾隆間人曾官



山東滋陽知縣

廿一日聶估堯估來皆以標義鄉石柱頌求售索三金

廿三日李雲從以拓本求售得二十通直二十千

內南海廟宋元碑八柱房

山安祿山造象西陽呂惠卿題詩及光啟景祐二經幢

聞子樞愛杉皆作古丙子又弱

二人矣

廿六日得建霞書以黎純齋觀察所刊汗簡箋正四冊見貽

廿七日粵中龍君鳳標來見並饋書籍無因而前甚可異也

七月

初一日仲午見示瘞鶴銘鶴壽不損本何義門題籤草溪跋及

題小詩數章又宋榻道因碑

初三日作劉竹屏家傳父也

詩之

李雲從來見示高頤闕并畫象

初四日作錢彥仲餐霞閣詩序錢子欣經奮堂詩賡序代鳳石

前輩彥仲先生為欣公之先德乾隆時官濮州牧與沈文愨同年其詩亦步趨文愨不失尺寸又作七律一首和仲午韻老估來得隨翠巖墓志一通夜校文勤師秦翰日記

初五日作詠春青霞仙館聯文序龍君來號伯鸞星海之中表與道希朱蓉生前輩皆素識

初六日校秦翰日記

十一日矮估來留晉安丘長王公闕一通及二造象李雲從來得超然臺記咸神寺大德禪師墓志曹文玉造燈臺銘漢楊公闕晉費公闕

十二日馴估來得殘經幢四種二有題字又拓本九通直一金澗岡阡表朱拓

栢巖寺智通禪師塔銘元寶十三載

王二娘造石浮圖銘 久視元年 三紙一刺尊勝陀羅尼咒

郝公夫人朱氏墓誌銘 元祐三年十一月

尊勝陀羅尼經景龍三年

比丘尼慧承等造象 乾明元年

絳州夫子廟堂碑 咸平口平集王右軍書

解州鹽池新廟歲 天聖九年集王書

文彥若墓誌銘 皇祐三年

十六日夜陳駿生來新自歐州從洪欽使歸以新刻中俄交界

圖見貽李雲從來得拓本二通

陝府夏縣景福寺故思道和尚重修塔銘 建隆 乾祐二年

栖霞寺新修舍利塔殿經藏記 顯德六年

十七日得鄭若曾籌海圖編一部若曾崑山人著有此書及江

南經略四隩圖論 國朝康熙中其五世孫起泓刪汰重編  
為鄭開陽雜著四庫僅以雜著著錄未見單行之本則此書  
為可寶矣

十八日昨回估來得拓本五通

治平寺殘碑保大四年

保大井闌

張匡翊題名 孟蜀廢政癸亥

金仙寺裕公和尚碑

王審知造庵口題名 天祐乙丑

廿一日昨駁生見示魯峻碑精采溢目為從來所未見有顧云  
美跋及竹垞烟客題字云是唐拓則未敢信并諸跋恐亦未  
必真也

廿二日麻估來得拓本七通

漢祀三公山碑

白石神君碑 連陰額

豐隆山頌

殷洪纂息仕存造像 隋開皇七年

顏海妻展造象

殘造像

李仲遷興造記 太和六年

廿四日劉佛青來談云孔印川同年之祖父仕淮為裏河同知  
富藏書身後歸質應劉氏劉歸路禮門路歸王氏路王二君  
亦裏河同知也凡四易主佛翁皆親見之

廿五日作七絕二首題倪朗山春溪晚渡圖

廿七日媿估及王啟祥來得拓本三十餘通

房府君墓碣 晉太康三年二月

安丘長王君神道 太康五年

杜文雍等造象 武定八年

杜昭賢等造象 大統十三年

易州重修龍興觀碑 大朝歲次壬午

龍潭延慶禪院新修舍利塔記 景祐三年六月

尊勝陀羅尼塔 年月泐額下有聖木門字

賜紫真空太師堅公塔

首座悟公壽塔記

清涼寺經幢 廢熙四年 以上媿估

涅槃經 乾明元年 并記

大奉國寺故口座龕瑩記 天寶四載

左金吾衛將軍臧希晏碑 大曆五年十月

石浮圖頌 天寶六載正月

琅邪王夫人墓幢 乾符三年二月

高大娘造象 開元十五年

李買造象 天保四年

幽棲寺尼正覺浮圖銘 開元六年

金臺華嚴禪寺講經沙門萬空大師重修記

經幢 貞元十二年八月

曹文玉燈臺銘

隋姑臧郡太守成公墓誌蓋

郝口興善德兄弟造象 長壽三年

廣惠大師舍利經幢銘

開業寺佛堂碑 開元十二年

中都馬鞍山慧聚寺通妙大師碑

易州鐵像頌

摩騰入漢靈異記 天禧五年

濟州刺史任公屏盜碑 顯德二年

殘經幢年月缺有額額下有字四行似讚似偈

殘經幢年月缺上截刻咒一通造象下截刻經

石浮圖頌殘石年月缺 有浮圖主王廸山等題名

廿九日建霞新得大房山投龍壁記原石舊藏瓊貝勒邸第今  
為一碑估擇至索直四十金尚不昂也投龍壁記開元廿七  
年張湛詞外間久無拓本前日李雲從以一通求售以舊



拓而不知其石之已出也

八月

二十日建霞來送別辰刻登程仲干送至通州始別去在通僱漕船一艘價津錢十一千

廿四日申刻抵天津僱一小舟運行裝至紫竹林寓佛照樓聞海晏輪船將到

廿九日夜海晏輪船到埠即運行李下舟天未明展輪

九月

初三日卯刻到滬住長發棧

初四日下舟乘潮到黃渡泊

初六日午刻抵蘇州到家

二十日得蕭隱東知奉旨派出磨勘此事臨行時本託蕭隱

豫為道地為隱復託康生轉展因循以致開單時未嘗扣除  
為隱云補救之法惟有告假已託崔磐石前輩矣

廿一日得南閩信印若幼申皆獲雋

廿三日閱南閩全錄以莊獲雋為之狂喜

廿四日訪筱珊出示新得北宋本五曹算經常熟毛氏舊藏本  
又平津館鈔薛氏鐘鼎款識皆嚴鐵橋手寫與木齋藏錢伺  
人寫說文可稱雙絕

十月

十七日夜束裝

十八日午後解維

二十日辰刻抵滬寓同慶公棧

廿六日得說兒函知邑試列八十四名未赴履

十一月

初三日午後登駕時輪船

初四日午後展輪

初六日平明抵臺北之基隆口即僱小舟登岸四山環抱中通一港聞此間天氣陰暄一月無數日晴今日適值晴朗水波空明嵐翠欲滴大似吾鄉暮春風景乘肩輿度一嶺復附火車至大稻埕中隔一嶺穴其中以通軌道車行深黑陰風砭骨所過田塍稻已登場聞一歲不止再稔由大稻埕里許即進府城北門街至第一居客館卸裝規模狹陋殆不可居市廛蕭索閩人十之七粵人十之三他省則寥寥矣

初七日先訪銅井晤之並晤葉曼卿大令

意深邗人乙酉知海  
辦榜江蘇知縣

外桃源並非樂土風濤備嘗徒自苦耳又訪管凌雲大令未

晤揚生書介紹

初八日拜邵中丞蔣丹如太守

斯彤新曼卿

銅井唐薇卿方伯

皆晤之又拜淡水縣孫大令萼齋

傳

丙子年

未得晤夜協

和信掌櫃羅肯堂招飲見丹如萼齋諸君談臺地風物頗詳  
百物騰貴惟桑濮之風盛行隨地可以問津所產藥材有鹿  
茸茯苓蘭花多絳色有寄生樹枝者又有鹿肚石鐵珊瑚為  
針皆寶貴鹿肚石價倍黃金可療噎

初九日至銅井處飲携歸懷葛新詠一冊閩人楊叔仁著皆詠  
番社詩不甚工而事跡頗詳亦采風者所不廢也

初十日夜至銅井處飯丹如言滬尾多風臺有滬尾風基隆雨  
之訝銅井言此間訟牒稱竊盜若干名為若干狂曰若干步  
為若干里

十一日夜銅井約往飯見示曼卿所作番歌辭錄於後

予始至臺灣遇宜蘭人某為說番人雜歌義若有可取者某言多土音諦聽之率十不得二三因以書代言終苦於不能盡常以其言藏於胸中近得淡水廳志閱之內錄番曲四篇各以譯言注於下與某言大致略同較為顯白且每篇首趾悉具尤可通曉喜數月結想一旦解釋顧又嘗聞某言番人謂時必舞疾徐高下動合節奏雖未嫻聲律自協天然之韻理或然也今觀志中所載番曲不可句讀欲按而歌之難矣而譯言皆系以俚語覽者多厭鄙之爰述其意著為歌辭令可誦其於緣物生情因事陳說蓋亦合乎詩人之義用知雕題黑齒之輩秉賦無別且其風猶近古焉

良夜棄婦懷夫也歌出蓬山八社番俗夫婦離夫未娶婦不

能嫁 良夜聞歌嗟我獨宿如何如何有鳥飛鳴有聲踏踏  
儻我舊人來即我宿起而瞻望月出明明匪舊人實來風動  
竹聲莫返莫旋胡為其然翳我懷人

怪鳥飛去思子也歌出後隴社 怪鳥飛去不知何所之日  
暮既倦飛歸宿故樹枝對此無言心悵惘嗟嗟子子竟安往  
不如歸去倚門望望子不見心悠悠且召諸親飲美酒以酒  
銷憂憂更憂

飲酒社長戒衆之辭歌出竹塹社 請爾來飲酒與爾陳先  
德我祖殫艱辛終日無休息鹿麋常生禽稻梁俱蕃殖舊業  
代流傳足為子孫式爾輩皆少年凡事須努力庶聽老人言  
克勤先人職重來飲美酒歡喜信無極

遲晚祭祀樂歌也歌出淡水諸社其歌發端曰遲晚遲晚者

譯言祭也 祭我祖暨祖妣神庶來嘗酒醴粢黍潔蔬維旨  
神來歆降福沛歲豐穰東西比行射鹿無虛矢

十四日夜中丞招飲同銅井縵卿何伯舟

名慶相子貞先生之姓

管凌雲

中丞言七八月間颶風作時海灘行人有為波濤捲入海者  
房舍岌岌振動屋瓦皆飛居民皆露立以避

十五日夜萼齋招飲言林時甫勸生番未得手又言辦理番民  
交涉之案其難甚於洋人

十七日夜銅井招飲芝生言臺婦夫死無子而嫁者舉子先嗣  
前夫為後官有斷令歸宗者則大譁春泉言此間桑濮比戶  
可封即有誤入桃源者但告以客不愛錢亦不忤也

十八日夜縵卿招飲席有番蘋羹土人呼為地瓜去此數十里  
有地名桃子園產地瓜色深紅甚美又持螯土人呼之曰蟬

梁蔭林詩更喜海蟬來突兀持螯一例助詩情即詠此物

廿一日作臺北雜感詩八首

廿二日長至作五律二首贈蕭屏

廿三日至學海書院訪丁山長彤宣暢談丁君挈眷寓此脩腿  
四百僅給饗殮云此間子衿脩士相見禮者短後科頭朴儻  
殊甚夜與同寓何君伯舟談

廿四日丁彤宣來述此間產靛甚美番布以樹皮織成不沾汗  
又有番席亦可喜昨在學海書院見紅竹一本莖似蘆管葉  
似雁來紅深色可愛挑鐙作五古一首咏之

廿六日聞銅井補臺灣道午後往賀

十二月

初五日至中丞處辭行並見銅井暢談



初六日聞林時甫太僕勸番二次挫劔頰一營官一哨弁盜薨  
有毒信然

初八日夜聞甕牖閒評伯舟發篋以所藏書畫見示潘逆巢書  
山水尺頁王夢樓題又夢樓女孫玳梁女史仿文端容草蟲  
花卉冊生香活色精妙無比每幅有夢樓太史題海外覩此  
奚啻星鳳

初九日訪縵卿見新出硫黃云其品在日本所產之上午後東  
裝衣至銅井處話別

初十日坐小火船至滬尾登科摩沙船將至滬尾兩山為門中  
通一溪風濤怒撞屋谷相應薄暮展輪

十一日辰刻抵廈門停輪猶憶丙戌秋偕探菽同泊此不勝黃  
壚之感

十三日黎明抵汕頭泊洋樓櫛比迴勝曩時

十五日辰刻抵香港寓泰來棧四層樓香港為各國輪船往來之地地狹民稠依山架屋拾級而上高至山半遠望若蜂房入其中螺旋聳升如登窄塔坡

十六日辰刻附保安渡船至羊城申刻抵埠寓油欄門外之迎祥街泰來棧亦係層樓小於舟黝如漆入夜蚊蚋啗膚竹肉喧囂不可一日居也

十七日移寓江蘇會館在濠畔街

十九日王雪澂太守來云廣雅書局彙刻沈小宛先生韓詩蘇詩范石湖詩補注欲覓王荊公詩注及兩漢書疏證未得

廿六日至廣雅書局訪王雪澄未晤見湯湖吳孝廉其地為南園舊址對岸為盧架飛梁以通之花木池臺結構幽雅孝廉

導游良久始別

廿八日又至廣雅書院見朱荅生前輩荅翁旋來荅拜

三十日碩鄉招飲錢歲

壬辰正月

初三日菊存招游花地復至大通寺小祇園杏林莊七公祠諸處流覽大通為珠江舊刹門外多古松

初四日至廣雅書院拜朱荅生前輩書院規模宏敞入門為東西監院宅講堂下為東西分校堂兩旁列二十齋以東壁圖書府西園翰墨林誦詩閣國政講易見天心編號講堂立四巨碑刻許君說文解字序張孝建鄭君六藝論憲齋程子四箴師亭朱子白鹿條約李仲約最後為東西掌書所亭沿花木極為幽曠

十九日得梁星海前輩一緘為可莊前輩介紹延主講鎮江寶  
晉書院講席蓉生前輩見貽年文濟美先詩文集

二月

十二日束裝孝直饋蘭甫先生所著書

十四日登富順輪船

廿一日午後抵上海登岸廨長發棧即僱定蘆墟船一艘

廿二日夜登舟

廿四日午刻到舍知說兒院試幸補博士弟子員改名改恭葵  
廿七日學院獎賞葵兒清晨赴試院前

廿八日訪楊允之約北行結伴

三月

初四日夜檢敝篋得先曾祖及先祖手蹟感念世德泣然

泮零

初十日文勤師靈柩至蘇出城公送

十二日文勤師靈柩入城先往珠明寺前路祭復送至畫禪寺  
得頌廷東屬為所著笏盒詞作序

十八日在閤門得建康集一部

廿一日作七絕一首題楊映舟畫蘭

廿二日叔父諷廿四日安寔先塋清晨出城至澤仁堂奉靈柩  
下船

廿四日黎明即起挈十弟下鄉已時抵興福塘選叔已先在即  
奉叔父柩登位未刻返棹留一僕隨選叔督工購何願船王  
會圖箋釋一部

廿八日赴綢師園應李遠辰之招遠辰贈香嚴文道集唐詩萬

潛書香巖所臨崔敬邕志石刻本

廿九日為碩庭作詞彙序

四月

初一日拈香祀祖天后宮懸楹帖延陵三君先後來誼卿欲為文勤師請建專祠以奏稿見示

初五日憲齋丈釋服文勤師行虞祭禮皆往拜

初六日觀瀾來携北宋拓化度寺碑見示即蘇齋所見吳荷屋藏本出自明顧氏玉泓樓者也醇古靜穆書品在醴泉之上蘇齋之評不虛也

初七日夜閱蘇齋化度寺碑攷亦觀瀾所示姚公蓼手抄本也初九日憲齋丈招飲見宋董北苑山水巨卷沈頤初藏有戴文節跋又石谷耕烟畫冊攷七香洛神惜花美人立軸

十二日知春開榜信郡城惟寄蛭王幹臣仁俊彭祺庠三人  
十三日挈內子兒女入都諏吉是日儼裝登舟未刻解維泊巢  
門候允之船弔卿夫人亦欲附伴別僱一小舟同行

十五日未刻抵滬寓同慶公棧

十七日閱醉六堂書肆見明弘治刻鐸津集闕一冊

十八日携奕兒觀奇童兩兒學生皆無臍即於當臍有肉相連  
形如甬長約三寸許青筋外露膚色如肉瘤據云江西人祖  
母與父挈之來問其年皆五歲貌亦俊偉脩短如一一人飲  
則兩人同醉食則不能共飽坐則同坐卧則同卧兩人共作  
一事一使左手一使右手指臂相聯無稍隔闕嘉禾重穎瑞  
木連理物固有之豈人亦宜然邪恐前史五行志亦所未載  
矣

廿五日晨起開新裕輪船抵滬即督奴子運行李下船醉六裴  
估來得張刻玉篇廣韻一部震澤編一部抄本俞琰林屋山  
人漫彙朱德潤存復集年嶽陵陽集各一部尚有抄本天台  
廬山巖陵諸集諧價未成又陸貞山集以殘本置之殊可惜  
也

廿六日天明展輪

廿九日午初進口先命奴子由火車至紫竹林僱船

五月

初一日清晨至紫竹林移坐民船

初二日拜客見合肥節相未刻解維

初五日巳刻至通州僱小車八輛行李先發

初六日巳刻開車至雙橋尖日晡入園門至會館卸車



初八日至萬隱齋適祀懷來聚談祀懷雲端午橋購曹真碑將  
擗至京矣康生新以五百金得一鐵壘

二十日藝風薦承芸碑估來得諸葛明愨墓志一通

廿五日萬隱抱孫在江蘇館宴客偕允之赴之

廿八日游廐在富華閣見新拓龍門造象千通索值六十金款  
風薦山左碑估趙某來有山西平定州孟縣等處拓本

六月

初四日趙估來得拓本十二通

張法樂等造象 元象元年 山西平定州

般石合村邑義人造象 武平四年 同上

阿鹿交村七十人造象 河清二年 平定州亂流村

邢多五十人等造象 天保二年 孟縣李家祠堂

比丘貞光造象興和三年 同上

王法現廿四人等造象平定州亂流村

定州刺史豆盧通造象開皇元年 同上

關勝頌德碑

義安郡夫人鄭氏墓志大鄭開明元年 洛陽

數城王第七郎君阿好造象皇建二年四月 平定州

王韋造象河清二年七月 同上

崔泉塑羅漢當陽造石香爐記

初五日山左帖估來得拓本九通

鄭子尚墓志武平五年

鄭恕己墓志大中十年

元氏令麗原溫碑開元二十四年 缺碑陰

榮陽縣令盧正道清德碑 神龍三年

蘭師墓志 永淳元年

永慶寺經幢 大中祥符七年

永慶寺造象 阜昌五年九月

元洪偽墓志 開皇三年

王師德等造象 永徽元年

十三日仲孜來談見示百峰山詩石刻廉生以為鄉人偽造又云伯希新得紹熙本禮記注疏出自微波榭孔氏廉生以五百金得一古壘的真俊子

十六日得心篋書贈崇化寺西塔基記一通

廿四日從彥和處借竹窗隨筆閱之明萬厯間僧林宏著雖釋子頗有儒言

廿七日借允之同訪彥和至宣武門大街相屋共三十餘椽直  
十二金院宇寬敞但破爛耳

廿九日劉仲魯來述烏憂喇廟本 國初睿親王舊邸弓刀甲  
冑喇嘛猶為司存

閏月

初三日從富華閣取歸鮮于氏里門碑一通唐隸之可珍者因  
斷爛太甚遂之

初四日聞西園師歸道山捨念知音不勝黃墟之感

初六日富華帖估新拓龍門石刻據云有千通以孫趙二錄校  
之頗有未著錄者著錄而誤或一石兩收者更不知凡幾  
初八日終日校龍門石刻

十一日從修文堂得沈確士全集一部元歐陽圭齋集一部

十二日訪建霞暢談見汪厚齋溪亭獨坐圖有孫淵如梁山舟諸人題又有張匠門手札黃野鴻自書詩冊

十四日訪佛青云句曲有尚姓搜訪茅山石刻甚夥裹糧携椎親往摹搨竟犯霜露而歿揚州有醫士戴姓藏古今醫書七百餘種多世間所無本

十六日作七律四首輓西園師諱丘遲在幼童之日以裴秀為後進之魁愴念平生不覺其言之痛也

十八日仲約侍郎招天寧寺偕萬德佛青夢花禮卿道希建霞西齋木齋靜偕仲攸子培子封藝風柏岑秋暑甚酷席散徘徊至日朕始進城天甯寺在彰義門外喬木千章浮圖百尺幽曠之致較龍泉憫忠諸刹為勝

二十日連日以孫趙二錄較新拓龍門石刻共八百餘通兩錄

所有而未拓者約一百七十種較於兩錄之外者不啻倍之  
廿一日訪佩鶴見所作輓西園師詩七律四首

廿五日作七絕四首和爽秋原韻夜子培子封招廣和居同心  
貧仲攷王子裳朱桂卿子培心篋孰於碑版之學暢論源流  
忻合無間心篋并示所作論書絕句百首專言南北書派分  
合異同大旨宗阮文達之說而時有心得

廿六日讀心篋論書詩感推張猛龍賈思伯鄭道昭刁惠公諸  
刻舉南北兩派書盡歸八方勳險峻亦非持平之論與覃綬  
之說尤相反又以隋曹子建章仇禹生等碑謂出鍾太傅此  
論精闢未經人道

七月

初二日移家具至新居

初三日已刻進屋

初八日讀史通盡第三卷

初九日龔兒從佩鶴受業送往執贄

十一日蔚若巽庵來長談蔚若携拙作藏書紀事詩六冊去巽庵約共修正定府志

十二日幼申來長談云常熟丁君秉衡名國鈞欲注晉書取材極博

十三日至建霞處見陸純伯云廠肆新見元刻莊子口義後至廠肆流覽得堯峰文鈔一部

十四日純伯在廠肆冷攤得南齋所擬賜臣下匾字分門別類

始諸王  
終隱逸

各注出處某條曾賜某人黏籤尚未脫康雍間物也  
廠肆送吳曇繡榮性堂詩來以八十購之

十五日拜客見曾蜀章云晉省六朝造象及唐經幢所在皆是  
通志所登千伯之十一也在研笑處見釋名八卷宋臨安府  
陳道人書籍舖刻本細審紙墨似是明時印也每半葉十行  
每行廿字平津館鑒藏書籍記著錄即此本純伯來談為代  
購崑山顧桴亭集一部桴亭先生名潛字孔昭宏治丙辰進  
士此集詩文都十四卷名靜觀堂稿其他尚有讀史新知林  
下紀聞湖堦新韻淳史夢林等集又嘗輯唐虞以來事可為  
治法者名稽古政要皆見郡志純伯又以存翁所輯全唐文  
補遺目錄見示屬於石刻中補輯所未備

十六日鑒清閣碑估携津門樊文卿所藏拓本求售多劉燕度  
手拓間有六舟方可中韓小亭諸人印

十七日王子裳太守來貽道西齋日記訪此懷出示文衡山小



楷卷惲正叔畫冊

十九日至廡肆訪桂林石刻已為純伯所啟

廿一日赴木齋道希招觀木公所藏宋元本書籍及石谷畫冊

卞玉京小象

廿二日翰墨林老估來得資州題名十六段壽慶觀題名七段及宋元碑二十餘種直五金李估以廣東七星巖題名見示索值五金以九曜題名與之交易連日龍門桂林之牢騷為之一快

廿四日訪筱珊前輩見新得寇白門小象方蘭坻摹本檢李估所留拓本七星巖僅四通陽春巖三通其餘皆汀州蒼玉洞題名也共三十九通校趙錄僅闕二通溢於趙錄外亦二通廣歷丙戌蘇才翁題名嘉泰壬戌雲驥二大字賈王得羊乞

酒得漿更可喜也見張伯訥扇頭有江都王君自書所作聯  
文詩詞耀艷深華樂蓬裳之流也

魏義門又  
號味如

廿八日子封來久談云潞州舍利塔記在潞安新出土殿肆有  
拓本

廿九日李雲從來得石幢二通一唐廣明二祀一宋乾德六年  
又唐墓志一宋元碑各一值八千

八月

初一日子培見示新得韓顯宗墓志劉碑造象拓本

初二日赴廠肆流覽購頗志齋叢書一部

初三日李雲從來得造象二通

馬長和造象開皇十一年

觀梁寺曇喬等造象武定七年四月八日

初五日得蔚若書三徑書目一冊遠望屠門不禁欲炙之色又  
從子嘉處見漢碑數十種皆文敬舊藏白石神君碑明榻最  
精燕元璽題字尚清朗

初七日蔚若前輩來估三徑書價

初九日夜赴茂如招出示方環山松陰待客圖有胡天游陳玉  
凡金壽門諸公題詞又文五峯秋林晴靄卷安儀周舊藏有  
朝鮮人一印余作藏書紀事詩欲定儀周為朝鮮人而無可  
考得此可為確證蔚若云三徑書有人貽六千金矣

十一日訪此懷亟出元刻大戴禮相示前有至正鄭元祐序後  
有韓元吉原序明晉藩藏書又見巾箱本周禮楊惺吾從東  
瀛所得筱珊前輩以八千金得之秘為宋刻實明刻也又見  
惠定宇手校漢書據此懷云一鄰媪所藏脫落破爛不可言

狀新付書肆裝池費至二十金愛惜古人可謂至矣又訪熊  
經仲同年見所得李謀墓志孝昌二年筆法流逸在魏碑中  
為別品在山東新出土

十二日李雲從來得韓顯宗墓志一通西蟲以為好事者贗造  
建霞以為木刻皆吹毛之論也小楊送永廣韻藻一部明長  
洲方夏南明著南明自號養春子郡志無徵而其書四庫存  
目著錄前有陳文莊朱袞兩序朱袞即金俊民先生國變後  
始易姓名此序在崇禎壬午距明亡僅二年耳前有王氏家  
傳之寶圓印後有宛陵太守書籍六男翰臣珍藏長方印又  
有兵部武選清吏司官印繡虎闕異書印雖非佳籍藏棄遠  
有源流且是同邑先哲遺書尚可收也

十三日中秋節屈書估帖估鍾相接斷斷竟日極雅事偏極俗

也

十八日禮卿未久談云 本朝通儒不談掌故不談經濟錢竹汀宮詹有融望潛學堂集為謗史皆可駭也

二十日碑估小王來以龍門造象百五十通求售雖非全豹用粉連紙墨拓清朗可愛又一衛景武公碑龜巖二字尚清晰勝今拓本

廿一日宜古碑估來購定精拓封祀壇碑石淙詩南詔石城碑姚奠碑浚水橋碑關寶賢碑舊拓皇甫君碑共五金謀值四月而後成

廿三日作劉孝女誄佛青農部之同產也

三十日筱珊夢花純甫蒿隱諸前輩同游隆福寺流覽書肆寂寥可歎清漢合璧金瓶梅架上各有一部又在荒攤見抄本

張宗子石匱書數十冊萬應願問予以一金尚未售也夜讀  
惠研溪北征集於吾鄉賦額之重三致意焉又送吳生詩云  
京師微車坐潘陸衝風踏雪朱門馳題陳其年詩卷云君不  
見交衢狂走郤與杖開口互許文章伯平生撰刻巧裝潢水  
玉疏疏越羅白爭先促使送高門明日縱橫委牆壁摹寫當  
日詞科諸公可謂不留餘地

九月

初一日讀惠徵君崢嶸集有側艷詩可謂老樹着花也

初三日作七古一首代鳳石題錢警石先生冷齋勸書圖

初六日義園祭范文正公到者二十餘人永定門外茶肆有平  
臺可登眺順道往滄茗日昃始驅車進城

初八日為蜀章同年跋古埤拓本

初九日省館燕客道希携有趙東潛集世罕傳本亟假歸篝燈讀之其辨西湖非明聖湖足破成化杭州府志之謬說叙武林金石錄遺事摹寫丁龍泓石墨之癖可敬可感

初十日閱邸抄游宜夫先生從祀 聖廟沈叔穎師所請也

十二日朱李二估來得湘蜀拓本二十餘通夜讀東潛集恒游記

十五日作七絕三首題涖泉寺香幢午後建霞來談携桂未谷所摹漁洋禪悅圖見示翁覃溪題詩精妙不可思議

十七日游廠肆見吳巢松萬松雲海集虞山歸宮詹集殘本  
二十日訪橘農談云潘道根集查椒垞有藏本

廿一日得蓉曙書并贈上虞經幢又沈朝墓志寶曆元年進士胡不干撰前試左內率府兵曹參軍左仇書亦上虞新出土

者

廿四日仲午來譚携先文蒸集假讀共水東稿八卷開封紀行稿五卷萊竹堂稿八卷涇東小稿八卷和山東勝覽詩一卷康熙中喬孫所刻劉燕庭先生舊藏也

廿五日聞吳觀湖孝廉病歿極化度寺碑必出矣在筱珊處見東坡雪浪石銘有楊濠叟家苕生文題字又徐鼎臣楚金題名筱珊在棲霞千佛巖搜得李雲從來得巴州水調歌頭詞拓本一通

廿六日得杜翹生函屬題章价人銅官感舊園此懷招廣和居同裴伯謙萬隱見明程模白潭園手卷周臣畫有模自撰白潭生傳題詩者共十七家始王雅宜訖周公珣中有皇甫子深袁尚之昆季文雁門彭席散復偕建霞至蔚若新居在閩



王廟街岳大將軍鍾琪舊第也夜讀文莊集

廿七日得仲午書以逃虛稿見假奇書也夜讀文莊集有孫處士傳云孫德字志惠映雪其齋號居崑山澱湖之磧漢奇文異書遇輒鈔錄至廢食寢生元至正壬寅卒於永樂庚子與孫明叔同姓同齋號同有鈔書之癖行輩相接居址比隣將來攷古家必有混為一人者特記於此

廿九日讀逃虛集據四庫存目逃虛子集十一卷類葉補遺八卷先名獨庵稿今此書即題逃虛類葉無詩前有壬辰一序稱余自公退食因檢故紙得此葉即寫成帙目曰獨庵葉然序中語實為道餘錄而作序後一目稱第一賦頌第二記第三碑塔銘第四表墓銘第五叙第六讚銘說第七禱著第八傳行狀祭文第九書題跋第十疏而通部不分卷非惟不合

八卷之說亦並無十卷每逢三葉接荀處輒有闕誤是惡濫不全之本坊賈作偽以欺人者也

十月

初四日佛青見示新得刁魏公志有陰

初七日王估來有劉碑造象裴淮少林寺碑踏價未成

十一日山左趙估拓來唐山初唐造象二百餘通皆前人所未見又磁州隋唐造象四十通鼓山石刻佛經

十三日李雲從來購拓本六通舊扇面二幅一衡山畫山水一文休承書陶隱居水倦賦

十五日鏡從五來述烏達峰師清操可敬從五携一婦一子一女庸潘家河沿為居停課子而不出屋租無男女僕歲費僅二百金可謂堅忍卓絕者矣

十七日訪此懷出示文待詔上海董氏竹岡所記趙文敏書蓮花經皆小楷精絕文冊有王暢甫題字讀吳蘭雪香蘇山館集

十八日筱珊言元氏新拓石刻較常山貞石志所錄已增出七十餘種

二十日訪蔚若出示舊拓元秘塔圭峰碑改七齋畫佛象金冬心畫棋

廿一日至廠肆得吳江周忠毅公奏議一部

廿二日讀史通至品藻篇其論秋胡妻怨慙厥夫投川而死乃凶險之頑人強梁之悍婦未免過刻

廿四日李雲從來得玄林禪師碑一通

廿五日至慈仁寺公祭亭林先生祠師主祭同鄉均集祠宇

顏啟門外鞠為菜園觀開成井闌密變觀音象漁洋所題雙  
松青蔥如舊夜得葵庵前輩書見贈經幢二十餘通留十三  
通一百塔寺南山經幢太和六年四月僧敷川撰序無可書  
一南山經幢無年月有明人補刻之字一開元寺唐梵二體  
經幢釋海覺書一紀年已泐惟存歲次口午閏六月廿三日  
字龍德二年開平寺重立一存正月十五日字弟子石業造  
一為施燈功德經天寶七年三月五日岐陽縣尉李口徽建  
一開元寺陀羅尼咒咸通七年李君佐建一卧龍寺大悲心  
陀羅尼經咸通十二年正月後有王元諗題名此七種皆無  
藏本外四種雖篋中所有以蠹蟻稍舊不忍割愛亦留之又  
一元二年造阿彌陀象文非刻經也

廿七日李雲從來持安陽慈潤寺刻經造象塔銘二十餘通皆

隋唐刻又劉碑造象精拓摩挲再三幾不忍釋因新以十金  
得趙估鼓山石經唐山造象不能不稍節漏卮竟從割愛為  
不怡者達旦

另一天寶八年  
義經懷留之

廿八日佩鶴見示祭亭林先生祠五律二首

十一月

初四日至木齋寓長談述袁漱六藏書之富怡裕而宋海源三  
家皆不能及其子樹生童昏揮斥之易可為歎息

初六日訪文卿康生兩前輩暢談午後歸蒿隱來談至薄暮始  
去寶山石刻為其所得矣康生云廠肆有此宋本周禮二冊  
足以纂圖互注本又宋刻黃鶴十家注杜詩各索五百金章  
碩卿所藏舊抄管子有黃堯翁跋者又吳山尊刻韓子底本  
皆為張幼樵所得文翁方治元史屬覓陳程通鑑續編

初七日仲選贈襄陽唐墓志十通

初八日老估來亦新從唐山拓到造象據云趙估所拓未全姑留校之

初九日校唐山造象訖共二百二十九通益以老估七通又重修羅漢象題名十一通皆天成間刻又楊山寶造法華經經字皆為造象所損造象始自貞觀則經為隋時所刻矣據老估云其地名堯山寺曰龍聖

十一日寫唐山石刻目錄畢佛經凡二種一種方勁類伊闕佛龕者貞觀年李惠寬刻一種通稍似郭公殘碑者楊山寶刻皆非隋刻也

十二月

初九日自前月二十日後瘳兒咽喉紅腫誤服辛散之品白點

漫延風石前輩來診急投以清泄之劑繼以石膏勢少殺而不愈復與同鄉周姓高用小承氣湯下宿垢無數復屢服清潤之劑始慶更生暴攻之後元氣大損餘邪未盡腑氣又十日未通攻補皆窮余閱屈臣氏藥目有瀉油瀉葉兩種畏其峻利不敢服以瀉油擦其胃脫以瀉葉濃煎成汁乘沸熱時傾入便桶令病人坐其上不一轉瞬大小便果俱通連日喘喘為之一釋神明之佑先澤之庇驚魂甫定因誌於此

十四日老孟來購正定府石刻四十通頗有常山貞石志未采者

十六日東蒿隱詢寶山石刻

二十日得寶山石刻二十餘通皆六朝初唐物值三金李雲從送來劉碑造象一通帶象拓甚精

廿一日楫琴贈太平五年廣濟寺佛殿記一通宋璋撰龐可昇書孫氏著錄

廿四日訪勝之見王晉卿蜀道寒雲卷前有俞紫芝吳仲圭題詩有文淵閣藏印又趙仲穆人馬圖卷

廿八日李雲從來得李光顏碑一通李程文郭虔書惠明寺舍利塔碑一通呂惠卿文并書

癸巳正月

初六日挈彝兒游廡得明張之象注鹽鐵論一部又余秋室學古錄一部後附梁園歸權錄憶漫庵贖稿又魏浣初四如山樓後集嶺南後集按郡志藝文類魏浣初詩文集十二卷此僅二卷皆云後集則必有前集而失之矣又尤春樊廷月舫丙集五卷亦當逸甲乙集又陸方山先生意苔山館集即鳳



石前輩之祖也又鄒菴三聽心閣詩又沈青上若汀吟草皆  
鄉先哲也

初七日鄒師招飲云端午橋新以千二百五十金得觀瀾化度  
寺碑山左徐君晚奉中丞子以四百餘金得南宋殘本周禮三冊  
並以楊新吾廣文跋尾見示又得新吾函查翼甫東瀛書云  
在龜如省軒家見百衲本文記九經直音已刊畢

初九日叔平師招飲韜夫前輩以宮僚雅集杯王吳虛一爵屬  
飲醕三爵醺醺然矣

十一日同子培昆仲禮卿夢花蒿隱佛青仲致廉生在安徽館  
請仲約重黎兩公席散游廡得昭文秦昂若亦園詩稿一冊  
道光間人孫子滿為之序

十二日游廡真兒侍得元楊仲宏集一部道光間梁蔭林所刻

又崑山張緯餘仰蕭堂集一冊

十六日晨游廡得東甌貞石志一部又不全兩浙金石志九冊  
前所得楊孟宏集審是浦城遺書本還之致筱珊書借徐興  
公筆精四冊夜篝燈疾讀論藏書數則可補余詩注之闕并  
可補楊文貞一首

十七日昨孫師鄭同康來虞山之學者也子滿先生曾孫張純  
老之弟子

二十日閱廡得管吳之孟子年譜一冊葉潤臣寶芸齋鈔本又  
元和顧大文嘯軒詩鈔後增其子思亭律賦

廿一日宏京書估送閩山左金石志索三十金可謂貴比珠玕  
廿二日赴師許齋觀嚴分宜手札墨迹

廿七日益文堂書估來得謝耳伯集一部據提要存目詩集八

卷題曰全集文十六卷題曰初集此本僅有文集十六卷至二集則四庫亦未之見也

二月

初一日麻估來得魏武定造象劉懿趙志侃墓志信法等碑陰各一通又造象二種張方墓志一通

初四日得聶仲芳觀察書延聘上海蕊珠書院講席鳳石前輩所推教也

初八日帖估王某赴朝鮮打牌為函致子靜轉託袁督辦提倡得齊武定七年比上道瓊記天平三年魏程哲碑

十四日東木齋借朱性甫珊瑚木難袁氏卧雪樓抄本宏京堂書估來持示宋本三蘇集每半葉十三行每行二十七八字不等桓字缺筆首行題重廣眉山三蘇先生文集第二十八

卷後大字題云饒州德興縣莊谿書癡子董應夢重行校證  
寫作大字命工刊板 用皮紙印造務在流通伏收書英俊  
得茲本板端不負於收書矣紹興庚辰除日因筆以紀夫歲  
月云又三十八卷後有長方木印云饒州德興縣莊谿董應  
夢完經史局刊印每卷首有袁與之印

十七日老估來得青城山張敬忠表一通

十八日作七律二首題文勤師補柳圖

廿三日建霞贈刁遵王僧兩誌

廿四日隸古碑估來得刁龍公志勝於建霞所貽

廿八日矮估來得石刻八通

樂天祐造象武定四年

劉雙周造象大魏口平四年

吳善墓志

開元十二年  
有蓋

王府君墓志 中和二年

邵真墓志

開元廿四年有蓋

王才墓志

貞觀十六年

和錢墓志

長壽二年

燕處士徐懷隱墓志

聖武二年

廿九日老估來得天統五年字文長碑一通彰德新平曹操疑塚所出又從隸古齋得漢碑一通

三月

初一日得嵩隱書為拓得桂林石刻九十餘通

初三日此懷約長椿寺修禊觀吳駿公畫梁玉立雕橋山莊卷

查梅壑為汪蛟門畫百尺梧桐圖

有法洋題

初四日子獻贈趙縵詩集賀秘監龍瑞宮摩崖一通木齋同年晨來以新得十石拓本見贈其石帖估自山左擇來木翁以六十金得之

初六日師亭師來談其弟桐門上舍來受業

初八日至殿肆為子華購功順堂設書借十一金

十三日仲午見貽思補齋摺棗

十四日建霞招廣和居座有江西高孝廉次園善相人偏談座

客皆奇中於余獨不驗仲約侍郎亦善談風鑑每見余必熟

視且曰是非余所知也豈皆以余為壺子邪

座高有沈君笛伊新自墨洲歸

徐若精餘測山題使之杜得唐天寶元年經幢一通

廿五日鳳石贈其先德方山先生意苔山館詩一部

四月

初三日 皇上祀天壇午門迎駕午後游廠肆得宋裘萬頃

竹齋詩集一冊康熙間其裔孫奏軍錦縣時所刻

初六日從珊為覓得明伍表萃貽安堂稿殘本共全集一冊續

集二冊按郡志貽安堂稿八卷當是以金石錄竹斲土革本

分卷而此本已佚其七續集郡志未著錄

初八日游廡會經堂新自雨中賦到舊籍頗多遂初堂曝書亭  
兩集索價至十六金余攜歸雲間沈氏所刻唐宋婦人集四  
種僅七十餘葉必欲六金始售真與珠玕等貴矣

十一日過會經堂攜歸王宗炎晚聞居士集一部

十二日賀蒿隱記名御史

十五日 保和殿攷試試差人員侑文頗愜當寫詩至第六聯  
忽誤拾一字為山九仞功虧一篑命矣夫

十六日建霞約往陪宮上兩觀察見鳳石紱卿諸君存齋云廡  
肆所見以明抄太平御覽為佳冊在蘇見劉完庵集未得也  
十八日得唐張文珪造象一通雷詢墓志一通武周重修唐安

寺記一通

廿五日亭林先生祠釋菜積餘來談以所著南陵縣建置沿革表見始

廿六日王旭莊來贈潤州魏法師碑政和七年勅華陽觀劄子

五月

初二日積餘贈家刻叢書

廿四日李雲從自山左來得石刻十四通

陀羅尼經幢

開元十五年六月十八日

有宣德郎新泰縣令題名

普照寺經幢 寶曆二年三月十五日

陀羅尼經幢

開元己未八月己巳

乾祐三年四月六日院主僧智能再立 嘉祐四年十二月初八日

新昌邑 朱或重移

華嚴院經幢

太和七年六月十五日 後有元豐七年八月二日寺主尼口宣建立題字

口陽李氏宅兆記 至元二十年高孫李思叔建 趙修文



千手千眼觀世音陀羅尼幢無年月

殘經幢元任元年十二月 有燕園夫人字

口居忠等造香幢慶曆二年正月一日

殘經幢僅四幅年月俱泐字極精

金剛經年月泐有經主楊信威題名

劉僧瓊造象開元十年歲次壬戌八月庚子朔

口遵妻造象開皇元年十一月十五日

雲門山李栢梧記天寶十二年二月十五日後有大中祥

石壁寺甘露義壇碑元和八年三月初九日重立李達吉文

廿六日李估來得蓮花洞隋造象一通

六月

初三日得康吉書為余栢得無錫崇因寺經幢及龕舍各碑

十二日午後偕印若訪彥和坐甫定大雨暴注檐溜如瀑布候  
良久不霽冒雨驅車歸至順治門大街一片汪洋積水沒頂  
折而西復由校場胡同出大街之南仍不能達印若下輿絕  
流而渡余附與人背猶痛摸索登歸扁衣裳皆溼透矣自大  
門以達廳事無不倒之牆允之臥室已權余所居十椽屋漏  
如篩書篋衣箱油布不給繼以葦席鄰牆拉雜聲室中點滴  
聲是夜兩家婦子皆危坐達旦

十三日雨仍不止印若出相屋已為棧足者先得議遷會館避  
之允之挈眷先行小女隨往甫安牀一山牆塌跳而免是夜  
廡中仍未睡

十四日雨稍止一僕來云北鄰鄭內翰家新遷亟往相度高深  
堅實與敝廡有霄壤之別房主陳氏住棉花八條胡同亟命

駕訪之索價十四金與以十二金夜仍大雨

十五日開霽陳僕來書券訪歸麟塢說其作保午後即移家具  
至新居允之印若亦在南橫街覓得一新造之屋與純伯同  
居閱範御家全屋傾摧箱籠糜爛暫避仲午處勝之太君卧  
室墻傾離睡時僅一炊許蒿隱處地陷室幾傾佩鶴內屋五  
椽亦不支此次之災為近時所未有通州水幾灌城竄城文  
安等屬低窪之區更不堪設想奏報尚未到都也

廿一日訪子嘉棹架唐碑百通裝池精整內乾符三年瑯琊王  
氏夫人墓銘經幢大中九年陳鴻造經幢皆篋中所未有也  
借歸讀之

廿八日道希來詢江左人才告以頻歲饑驅後起之秀不能舉  
其姓氏黃立庵來秦生之子年十八歲神觀英爽與本甫可

稱二難

廿九日詣木齋長談見新得齊河清武平唐先天造象宋熙寧香幢皆自山左擇來者

七月

初四日伯鸞饋所刊知服齋叢書四冊又星滌所書石刻

初五日在伯鸞齋見呂无黨抄本後村集有馬寒中藏書印堯

圖一跋

十八日至廡肆得清係間題跋一部藤陰雜記一部

廿三日木齋靜偕建霞招飲見宋拓洛神賦舊拓房元齡碑

廿四日得子嘉東贈秦州新出建德造象

廿八日秦佑來得石刻七通

潞州長子白鶴觀碑

贈比干太師詔 薛純懷八分書 貞觀十九年二月

會善寺勅戒壇碑 大曆二年十一月

修岳廟記 李方 咸通六年二月五日

會善寺戒壇記 陸長源文陸靜書 貞元十一祀龍集乙亥

少林寺靈運禪師塔銘 崔琪文 天寶九載四月十五日

會善寺岑禪師舍利塔銘 口允中文 元和口五年閏正月

八月

初二日閱龍伯鸞所藏舊抄本後村集五十卷板心有講習堂三字書中留字缺筆知出口无黨手抄前有跋語一葉仲約前輩定為顧千里筆跋中稱余友顧抱冲抱冲為千里堂兄何得加以友稱又云得自海鹽家椒井椒井為黃錫蕃之號作跋者與江夏同系殆黃堯翁筆耳余見堯翁手蹟至多正

如此也跋錄後

此劉後村集余於甲寅夏得之海鹽友人家椒州處云是呂  
无黨手抄得後又見一刻本亦是書友從海鹽攜來者云是  
宋本然以余所見好元板書證之乃元刻也余友顧抱冲以  
繕錢十餘千易之椒州又攜一半抄半刻本來其抄者與余  
所藏本字跡相似其刻者又與抱冲所得本板刻正同紫陽  
山長錢竹汀云後村集不止五十卷今所見俱如是殆未為  
足本始猶不信是說及觀華陽顧氏殘本竟有六十卷字樣  
方知竹汀之說為確而書之不可以槩論也如是如是  
初五日李估來得唐朱孝誠碑大證禪師碑尹貞墓志各一通  
又魏造象一通齊造象一通

初十日清晨至貢院接考卷兒至夜十點鐘始出是夜即住廡

中為奠兒檢點考具

十三日午後至貢院接考夜九點鐘奠兒與梁林偕出首場遲至十一卯刻尚未淨場稽查大臣欲以白簡從事故是日聞中催繳卷特嚴

十六日清晨赴貢院接考午後奠兒始出即同驅車出城三場幸畢竭蹶萬狀此次雖穩落孫山俾知此中甘苦將來或補自振奮乎

十九日運翰來長談言為京秩莫如黃老之學此言得之廿四日遊廡見倪迂存江上雲林閣書目前有自序急取歸補入詩注聞文卿前輩訃吾郡又弱一箇矣

三十日文林碑估來得濟寧學唐碑一通元碑九通

九月

初一日子培來揭示和林石刻影照本

初四日閱邸鈔浙江正考官殷如璋行抵蘇州有人函托關節饋萬金即將送書人扣留由蘇府移咨浙省經松帥奏參堵伯約侍御亦入告有旨嚴查懲辦禍首周福清辛未翰林散館改外復捐中書今丁憂在籍

十九日錄和林闕特勤碑

廿二日文卿前輩發引至隆安寺殯宮行禮寺在沙鍋門建置年月無攷明中葉所修有康熙間一碑正統一鐘

廿三日閱邸鈔御史聯陔奏科場弊弊着派麟書徐桐調取周學熙湯寶霖蔡學淵陳步登黃樹聲萬航錄科卷核對文理筆跡另期覆試

廿四日錄和林九姓迴器可汗碑



廿六日錄和林三靈侯廟記又殘碑一通

廿七日閱邱鈔徐麟兩師履奏蔡學淵黃樹聲萬瓶斥革舉人  
湯寶霖周學熙陳步鑾著禮部傳齊履試

廿八日錄和林題名殘碑四世同居立石

廿九日錄和林勅建興元閣記劉公去思碑又殘題名一通

十月

初二日錄和林漢塚石記三皇廟殘碑必伽可汗碑昨耿伯齊  
來受業名道冲華亭人乙酉拔貢七品小京官

初三日錄和林三皇廟殘碑第二通又嶺北省右丞郎中總管  
收糧記大司農保釐朔方殘石老估來購得朝鮮忠港大師  
碑及錦山摩崖京錢二十千

初八日常州莊小尹來受業名蔭平執風所介紹也

初九日訪禮卿見黃小松紫雲山訪碑圖有覃谿北江題詩又  
趙甌北墨跡亦有覃谿題詩及宋芝山畫皆精品訪碑卷禮  
卿以百二十金得之與西蠹所藏嵩洛訪碑圖可為二妙攜  
歸李南澗手札一冊皆致其妻兄朱荊園者亦有覃谿題字  
及桂未谷周林汲諸公題

十九日偕彝兒赴省館書畫社為印若題仙蝶詩一首

廿四日聞可莊前輩作古吾郡失一賢太守桑梓之不幸不獨  
友生之感也

十一月

初二日松筠庵消寒第二集知木齋揚州廡廬火藏書二百卷  
盡為祝融氏所收中多明人集部世間不經見之本亦江左  
文獻之厄也

初六日移寓鐵匠胡同屋觀廊幽窗明几淨三邊始得善地

初八日訪筱珊云王孝禹及康生新得善拓唐公房碑

十七日筱珊來云磁州新出北齊蘭陵王碑又聞打牌王佑已自朝鮮歸所得無幾

十九日鶴巢文為言藏有松江經幢以石刻三種往請易歸讀之則篋中已有兩通矣因細檢松江府志知為寶雲寺經幢藏之數年而未知所出甚矣考古之疏也

廿四日仲午晨至廬為其悍僕家庭反唇痛哭流涕而言之不能為措一詞也其事極痛快但投鼠忌器耳

十二月

初二日從老估得淄川龍興寺經幢殘拓本末一幅八分書甚精此刻山左金石志著錄無書人姓名細審此拓有榮伏鳳

書四字在末行天祐題字下為之狂喜斷珪寸璧無非瓊寶  
其可以駿骨而棄之耶

初五日至木齋處見書肆求售吾鄉尤二娛詩集木齋不忍割  
爰今而知梓桑文獻亦非貧酸所能撥捨也

初七日得仲午書紫陽山長陸雲孫前輩病甚劇運齋啟以此  
席見推藉祠祿以藏拙園所願也如資望太淺何

初十日老估來得劉仁願碑靈通寺大覺圖師碑皆朝鮮古刻  
又南漢韶州雲門山知明大師碑一通

十八日東萊隱記寄遠珊書拓桂林石刻謝蘊山著錄四百餘  
通前次張中丞所拓僅十之四茲補繕一目寄之愚公移山  
不自量其力也

廿一日充 國史館協修

廿六日蔚若前輩輶旂來談云有梁統高者雋才也閩中得其  
卷誤以為對山抑置副車而不知對山已高占魁席矣功名  
前定豈不信夫

廿九日滑估來購定朝鮮碑四種價八金

緣督廬日記抄卷四

女夫王立勳護鐫印

邑後學潘承綱謹校

緣督廬日記抄第六冊校勘表

葉次	六	七	廿一	據	正	葉次	二十一	行次	十九	格次	九至廿	誤	正
行次	廿七	廿一	廿一	據	壞	行次	十九	格次	廿九	誤	廿四十八字應	廿八日所記元	
格次	廿一	廿一	廿一	據	壞	格次	廿一	誤	廿一	誤	移至廿八日所	本為	
誤	學	鐘	於	字	宗	誤	廿一	誤	廿一	誤	廿一	誤	
正	景	鉉	杉	詞	青	正	廿一	誤	廿一	誤	廿一	誤	
葉次	八	十	又	十二	十三	葉次	二十一	行次	廿四	格次	十九至廿	誤	
行次	廿八	十九	廿三	廿三	六	行次	廿四	格次	廿四	誤	廿四	誤	
格次	七	十九	廿三	廿三	六	格次	廿四	誤	廿四	誤	廿四	誤	
誤	學	鐘	於	字	間	誤	廿四	誤	廿四	誤	廿四	誤	
正	景	鉉	杉	詞	青	正	廿四	誤	廿四	誤	廿四	誤	
葉次	六	七	廿一	據	壞	葉次	二十一	行次	十九	格次	九至廿	誤	正
行次	廿七	廿一	廿一	據	壞	行次	十九	格次	廿九	誤	廿四十八字應	廿八日所記元	
格次	廿一	廿一	廿一	據	壞	格次	廿一	誤	廿一	誤	移至廿八日所	本為	
誤	學	鐘	於	字	宗	誤	廿一	誤	廿一	誤	廿一	誤	
正	景	鉉	杉	詞	青	正	廿一	誤	廿一	誤	廿一	誤	
葉次	八	十	又	十二	十三	葉次	二十一	行次	廿四	格次	十九至廿	誤	
行次	廿八	十九	廿三	廿三	六	行次	廿四	格次	廿四	誤	廿四	誤	
格次	七	十九	廿三	廿三	六	格次	廿四	誤	廿四	誤	廿四	誤	
誤	學	鐘	於	字	間	誤	廿四	誤	廿四	誤	廿四	誤	
正	景	鉉	杉	詞	青	正	廿四	誤	廿四	誤	廿四	誤	
葉次	六	七	廿一	據	壞	葉次	二十一	行次	十九	格次	九至廿	誤	正
行次	廿七	廿一	廿一	據	壞	行次	十九	格次	廿九	誤	廿四十八字應	廿八日所記元	
格次	廿一	廿一	廿一	據	壞	格次	廿一	誤	廿一	誤	移至廿八日所	本為	
誤	學	鐘	於	字	宗	誤	廿一	誤	廿一	誤	廿一	誤	
正	景	鉉	杉	詞	青	正	廿一	誤	廿一	誤	廿一	誤	
葉次	八	十	又	十二	十三	葉次	二十一	行次	廿四	格次	十九至廿	誤	
行次	廿八	十九	廿三	廿三	六	行次	廿四	格次	廿四	誤	廿四	誤	
格次	七	十九	廿三	廿三	六	格次	廿四	誤	廿四	誤	廿四	誤	
誤	學	鐘	於	字	間	誤	廿四	誤	廿四	誤	廿四	誤	
正	景	鉉	杉	詞	青	正	廿四	誤	廿四	誤	廿四	誤	

葉次	三十二	三十四	又	三十六	三十八	又	四十一	四十二	五十二	五十三	五十四
行次	廿四	五	廿一	廿	廿	廿二	三	十一	四	十三	十四
格次	十	十一	七	十三	廿	廿一	廿四	廿三	八	十三	廿四
誤	口	口	口	通	叔	日	書	沿	宜	三	三
正	曰	(空格)	子	面	淑	田	畫	沿	定	二	二
葉次	五十四	又	五十五	五十七	五十八	又	六十	又	六十一	六十六	
行次	十五	廿三	六	七	九	十四	九	廿四	二	十七	
格次	七八	二	十八	廿三	三十三	十	九	二	六	廿一	
誤	南山	一	怡	爵	<small>太平三年魏</small>	(空格)	茗	口	仕	齋	
正	(行文應刪)	上	恬	器	<small>魏太平三年</small>	衛	茗	口	化	齋	